

ओं नमः परमात्मने, श्री महागणपतये नमः,  
श्री गुरुभ्यो नमः, हरिः ओं ॥

# कृष्ण यजुर्वेदीय तैत्तिरीय संहिता पद पाठः (वाक्य सहित)

## द्वितीयकाण्डे चतुर्थः प्रश्नः

### Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in).

---

## Contents

2 कृष्ण यजुर्वेदीय तैत्तिरीय संहितायं पद पाठे द्वितीयं काण्डं... 3

2.4 द्वितीयकाण्डे चतुर्थः प्रश्नः – इष्टिविधानं..... 3

पद पाठे (वाक्य सहित) – द्वितीयकाण्डे – चतुर्थः प्रश्नः

ओं नमः परमात्मने, श्री महागणपतये नमः, श्री गुरुभ्यो नमः

हरिःओं

## 2 कृष्ण यजुर्वेदीय तैत्तिरीय संहितायं पद पाठे द्वितीयं

### काण्डं

#### 2.4 द्वितीयकाण्डे चतुर्थः प्रश्नः – इष्टिविधानं

##### 2.4.1.1

दे॒वा म॑नु॒ष्याः॑ पि॒तरस्ते॑ऽन्यत॑ आ॒सन्न॑सु॒रा रक्षा॑ँसि  
पि॒शाचास्ते॑ऽन्यत॑स्तेषां॑ दे॒वाना॑मु॒त यद॑ल्पं॑ लो॒हित॑मकु॒र्वन् तद्-  
रक्षा॑ँसि रा॒त्रीभि॑रसु॒भ्नन् ता॑न्थ् सु॒ब्धान् मृ॒तान॑भि व्यौ॒च्छत् ते॒ दे॒वा  
अ॒विदु॑र्यो॒ वै नो॑ऽयं म्रि॒यते॑ रक्षा॑ँसि वा इ॒मं घ्न॑न्तीति॒ ते  
रक्षा॑ँस्युपा॒मन्त्र॑यन्त॒ तान्य॑ब्रुवन् वरं॑ वृ॒णाम॑है य - [ ] 1

##### 2.4.1.1 - Padam

दे॒वाः । म॑नु॒ष्याः॑ । पि॒तरः॑ । ते । अ॒न्यतः॑ । आ॒सन्न॑ । अ॒सुराः॑ ।  
रक्षा॑ँसि । पि॒शाचाः॑ । ते । अ॒न्यतः॑ । तेषा॑म् । दे॒वाना॑म् । उ॒त ।  
यत् । अ॒ल्पम् । लो॒हितम् । अकु॑र्वन् । तत् । रक्षा॑ँसि ।

रा॒त्रीभि॒रिति॑ रा॒त्रि-भिः॑ । अ॒सु॒भ्नन् । तान् । सु॒ब्धान् । मृ॒तान् ।  
अ॒भि । वी॒ति । औ॒च्छत् । ते । दे॒वाः । अ॒वि॒दुः । यः । वै । नः ।  
अ॒यम् । म्रि॒यते॑ । रक्षा॑सि । वै । इ॒मम् । घ्न॒न्ति । इति॑ । ते ।  
रक्षा॑सि । उपेति॑ । अ॒मन्त्र॑यन्त । तानि॑ । अब्रु॑वन् । वर॑म् ।

वृ॒णाम॑है । यत् । 1 (50)

#### 2.4.1.2

-द॒सु॒रान् जया॑म तन्नः॑ सहा॑सदि॒ति ततो॑ वै दे॒वा अ॒सु॒रान॑जयन्  
तेऽसु॑रान् जि॒त्वा रक्षा॑स्य॒पा॒नुद॑न्त तानि॑ रक्षा॑स्य॒नृ॒तम॑ कर्ते॑ति स॒मन्तं  
दे॒वान् पर्य॑विशन् ते दे॒वा अ॒ग्ना॒वना॑थन्त तेऽग्नये॑ प्र॒वते  
पु॒रोडा॑शम॒ष्टाक॑पालं॒ निर॑वपन्न॒ग्नये॑ वि॒बाध॑वतेऽग्नये॑ प्र॒तीक॑वते  
यद॒ग्नये॑ प्र॒वते निर॑वपन् यान्ये॒व पु॒रस्ता॑द्-रक्षा॑स्य - [ ] 2

#### 2.4.1.2 - Padam

अ॒सु॒रान् । जया॑म । तत् । नः । स॒ह । अ॒सत् । इति॑ । ततः॑ । वै ।  
दे॒वाः । अ॒सु॒रान् । अ॒जय॑न् । ते । अ॒सु॒रान् । जि॒त्वा । रक्षा॑सि ।  
अ॒पेति॑ । अ॒नुद॑न्त । तानि॑ । रक्षा॑सि । अ॒नृ॒तम् । अ॒कर्त॑ । इति॑ ।

स॒म॒न्त॒मि॒ति॒ सं – अ॒न्त॒म् । दे॒वान् । प॒री॒ति॒ । अ॒वि॒श॒न् । ते ।  
दे॒वाः । अ॒ग्नौ । अ॒ना॒थ॒न्त॒ । ते । अ॒ग्नये॑ । प्र॒व॒त॒ इति॑ प्र – व॒ते ।  
पु॒रो॒डा॒श॒म् । अ॒ष्टा॒क॒पा॒ल॒मि॒त्य॒ष्टा – क॒पा॒ल॒म् । नि॒रि॒ति॒ ।  
अ॒व॒प॒न् । अ॒ग्नये॑ । वि॒बा॒ध॒व॒त॒ इति॑ वि॒बा॒ध – व॒ते ।  
अ॒ग्नये॑ । प्र॒ती॒क॒व॒त॒ इति॑ प्र॒ती॒क – व॒ते । यत् । अ॒ग्नये॑ ।  
प्र॒व॒त॒ इति॑ प्र – व॒ते । नि॒र॒व॒प॒न्नि॒ति॒ निः – अ॒व॒प॒न् । या॒नि॒ ।  
ए॒व । पु॒र॒स्ता॒त् । र॒क्षा॒ञ्॒सि॒ । 2 (50)

### 2.4.1.3

–स॒न्ता॒नि॒ ते॒न॒ प्रा॒णु॑द॒न्त॒ यद॒ग्नये॑ वि॒बा॒ध॒व॒ते॒ या॒न्ये॒वा॒भि॒तो॒  
र॒क्षा॒ञ्॒स्या॒सन्॒ ता॒नि॒ ते॒न॒ व्य॒बा॒ध॒न्त॒ यद॒ग्नये॑ प्र॒ती॒क॒व॒ते॒ या॒न्ये॒व  
प॒श्चा॒द्–र॒क्षा॒ञ्॒स्या॒सन्॒ ता॒नि॒ ते॒ना॒पा॒नु॑द॒न्त॒ ततो॑ दे॒वा॒ अ॒भ॒व॒न् प॒रा॒सु॒रा॒  
यो॒ भ्रा॒तृ॒व्य॒वा॒न्थ् स्या॒थ् स॒ स्पर्ध॑मान॒ ए॒तये॑ष॒ट्या॒ यजे॑ता॒ग्नये॑ प्र॒व॒ते  
पु॒रो॒डा॒श॒म॒ष्टा॒क॒पा॒लं॒ निर्व॑पे॒द॒ग्नये॑ वि॒बा॒ध॒व॒ते – [ ] 3

**2.4.1.3 - Padam**

आसन् । तानि । तेन । प्रेति । अनुदन्त । यत् । अग्नये ।  
विबाधवत इति विबाध – वते । यानि । एव । अभितः ।  
रक्षाँसि । आसन् । तानि । तेन । वीति । अबाधन्त । यत् ।  
अग्नये । प्रतीकवत इति प्रतीक – वते । यानि । एव । पश्चात् ।  
रक्षाँसि । आसन् । तानि । तेन । अपेति । अनुदन्त । ततः ।  
देवाः । अभवन् । परेति । असुराः । यः । भ्रातृव्यवानिति  
भ्रातृव्य – वान् । स्यात् । सः । स्पर्धमानः । एतया । इष्ट्या ।  
यजेत । अग्नये । प्रवत इति प्र – वते । पुरोडाशम् ।  
अष्टाकपालमित्यष्टा – कपालम् । निरिति । वपेत् ।  
अग्नये । विबाधवत इति विबाध – वते । 3 (50)

**2.4.1.4**

ऽग्नये प्रतीकवते यदग्नये प्रवते निर्वपति य एवास्माच्छ्रेयान्-  
भ्रातृव्यस्तं तेन प्रणुदते यदग्नये विबाधवते य एवैनेन सदृङ्गं तेन  
वि बाधते यदग्नये प्रतीकवते य एवास्मात् पापीयान् तं तेनाप नुदते

प्र श्रेया॑ऽसं॒ भ्रातृ॑व्यं॒ नुद॑तेति॒ सदृ॑शं॒ क्राम॑ति॒ नैनं॒ पापी॑याना॒प्नोति॒ य  
एवं ( ) वि॒द्वाने॒तये॑ष्व॒द्या यज॑ते । 4

**2.4.1.4 - Padam**

अ॒ग्नये॑ । प्र॒तीक॑व॒त इति॑ प्र॒तीक॑ – व॒ते । यत् । अ॒ग्नये॑ ।  
प्र॒व॒त इति॑ प्र – व॒ते । निर्व॑पतीति॒ निः – व॑पति । यः । ए॒व ।  
अ॒स्मात् । श्रेया॑न् । भ्रातृ॑व्यः । तम् । तेन॑ । प्रेति॑ । नुद॑ते ।  
यत् । अ॒ग्नये॑ । वि॒बाध॑व॒त इति॑ वि॒बाध॑ – व॒ते । यः । ए॒व । ए॒नेन॑ ।  
सदृ॑ङ्ङिति॒ स – दृङ् । तम् । तेन॑ । वीति॑ । बा॒धते॑ । यत् । अ॒ग्नये॑ ।  
प्र॒तीक॑व॒त इति॑ प्र॒तीक॑ – व॒ते । यः । ए॒व । अ॒स्मात् । पापी॑यान् ।  
तम् । तेन॑ । अपेति॑ । नुद॑ते । प्रेति॑ । श्रेया॑ऽसम् । भ्रातृ॑व्यम् ।  
नुद॑ते । अतीति॑ । सदृ॑शम् । क्राम॑ति । न । ए॒नम् । पापी॑यान् ।  
आ॒प्नोति॑ । यः । ए॒वम् ( ) । वि॒द्वान् । ए॒तया॑ । इ॒ष्ट्या॑ ।  
यज॑ते । 4 (54) (वृ॒णाम॑है॒ यत् – पु॒रस्ता॑द् रक्षा॑ऽसि- व॒पेद॑ग्नये॑  
वि॒बाध॑व॒त – ए॒वं – च॒त्वारि॑ च) (A1)

**2.4.2.1**

दे॒वा॒सु॒राः सँ॑य॒त्ता आ॒सन् ते दे॒वा अ॒ब्रु॒वन् यो नो॑ वी॒र्या॑व॒त्तम॒स्तम॑नु॒  
स॒मा॒र॒भा॒महा॒ इति॑ त इन्द्र॑म॒ब्रु॒वन् त्वं वै नो॑ वी॒र्या॑व॒त्तमो॒ऽसि त्वा॑मनु॒  
स॒मा॒र॒भा॒महा॒ इति॑ सो॒ऽब्र॑वीत् तिस्रो॑ म इ॒मास्त॑नुवो वी॒र्या॑व॒तीस्ताः  
प्री॑णी॒ताथा-सु॒रा॒नभि॑ भ॒विष्य॑थेति॒ ता वै ब्रू॑ही॒त्यब्रु॑वन्नि॒यम॑  
हो॒मु॒गि॒यं वि॑मृ॒धेय॑मिन्द्रि॒याव॑ती - [ ] 5

**2.4.2.1 - Padam**

दे॒वा॒सु॒रा इति॑ दे॒व - अ॒सु॒राः । सँ॑य॒त्ता इति॑ सं - य॒त्ताः ।  
आ॒सन् । ते । दे॒वाः । अ॒ब्रु॒वन् । यः । नः । वी॒र्या॑व॒त्तम॒ इति॑  
वी॒र्या॑व॒त् - त॒मः । तम् । अ॒न्वि॒ति । स॒मा॒र॒भा॒महा॒ इति॑  
सं - आ॒र॒भा॒महै॑ । इति॑ । ते । इन्द्र॑म् । अ॒ब्रु॒वन् । त्वम् । वै । नः ।  
वी॒र्या॑व॒त्तम॒ इति॑ वी॒र्या॑व॒त् - त॒मः । अ॒सि । त्वा॑म् । अ॒न्वि॒ति ।  
स॒मा॒र॒भा॒महा॒ इति॑ सं-आ॒र॒भा॒महै॑ । इति॑ । सः । अ॒ब्र॑वीत् । ति॒स्रः ।  
मे । इ॒माः । त॒नुवः॑ । वी॒र्या॑व॒तीरि॒ति वी॒र्या॑ - व॒तीः । ताः ।  
प्री॑णी॒त । अथ॑ । अ॒सु॒रान् । अ॒भी॒ति । भ॒विष्य॑थ । इति॑ । ताः । वै ।



ब्रू॒हि । इति॑ । अ॒ब्रुव॑न् । इ॒यम् । अ॒॒हो॒मु॒गित्य॒॑हः-मुक् । इ॒यम् ।  
वि॒मृ॒धेति॑ वि - मृ॒धा । इ॒यम् । इ॒न्द्रि॒याव॑तीतीन्द्रि॒य - व॒ती । 5 (50)

#### 2.4.2.2

-त्यब्र॑वीत् इन्द्रा॑या॒॒हो॒मु॒चे पु॒रो॒डा॒शमे॒काद॑शकपालं नि॒रव॑पन्निन्द्रा॑य  
वैमृ॑धाये-न्द्रा॑येन्द्रि॒याव॑ते यदिन्द्रा॑या॒॒हो॒मु॒चे नि॒रव॑पन् अ॒हस॑ ए॒व  
तेना॑मुच्यन्त॒ यदिन्द्रा॑य वै मृ॒धाय॑ मृ॒ध ए॒व तेना॑पा॒घ्नत॑यदिन्द्रा॑येन्द्रि॒याव॑त  
इन्द्रि॒यमे॒व तेना॑\*ऽऽत्म॑न्नदधत॒ त्रय॑स्त्रि॒॒शत्क॑पालं पु॒रो॒डा॒शं नि॒रव॑पन्  
त्रय॑स्त्रि॒॒शद्द्वै दे॒वता॑स्ता इन्द्र॑ आ॒त्म॑न्ननु॒ समा॑रंभयत॒ भूत्यै॑ - [ ] 6

#### 2.4.2.2 - Padam

इति॑ । अ॒ब्रु॒वीत् । ते । इन्द्रा॑य । अ॒॒हो॒मु॒च इत्य॒॑हः - मु॒चे ।  
पु॒रो॒डा॒शम् । ए॒काद॑शकपालमित्ये॒काद॑श - क॒पालम् । नि॒रिति॑ ।  
अ॒व॒पन् । इन्द्रा॑य । वैमृ॑धाय । इन्द्रा॑य । इन्द्रि॒याव॑त  
इतीन्द्रि॒य - व॑ते । यत् । इन्द्रा॑य । अ॒॒हो॒मु॒च इत्य॒॑हः - मु॒चे ।  
नि॒रव॑पन्निति॒ निः - अ॒व॒पन् । अ॒ह॒सः । ए॒व । तेन॑ । अ॒मु॒च्यन्त॑ ।  
यत् । इन्द्रा॑य । वैमृ॑धाय । मृ॒धः । ए॒व । तेन॑ । अ॒पेति॑ । अ॒घ्न॑त ।

यत् । इन्द्राय । इन्द्रियावत इतीन्द्रिय – वते । इन्द्रियम् ।

एव । तेन । आत्मन् । अदधत् ।

त्रयस्त्रिंशत्कपालमिति त्रयस्त्रिंशत् – कपालम् ।

पुरोडाशम् । निरिति । अवपन् । त्रयस्त्रिंशदिति त्रयः – त्रिंशत् ।

वै । देवताः । ताः । इन्द्रः । आत्मन् । अन्विति ।

समारंभयतेति सं – आरंभयत् । भूत्यै । 6 (50)

### 2.4.2.3

तां वाव देवा विजिति-मुत्तमा-मसुरै-र्व्यजयन्तयो भ्रातृव्यवान्-  
स्याथ स स्पर्धमान एतयेष्ट्या यजेतेन्द्रायां होमुचे

पुरोडाशमेकादशकपालं निर्वपेदिन्द्राय वैमृधायेन्द्रायेन्द्रियावतेऽं

हसा वा एष गृहीतो यस्माच्छ्रेयान् भ्रातृव्योयदिन्द्रायां होमुचे

निर्वपत्यं हस एव तेन मुच्यतेमृधा वा एषोऽभिषण्णो यस्माथ्

समानेष्वन्यः श्रेयानुता – [ ] 7

**2.4.2.3 - Padam**

ताम् । वाव । देवाः । विजि॑तिमि॒ति वि – जि॒तिम् ।  
उत्त॑मामि॒त्युत् – तमा॑म् । असुरैः । वी॒ति । अज॑यन्त । यः ।  
भ्रातृ॑व्यवानि॒ति भ्रातृ॑व्य – वान् । स्यात् । सः । स्पर्ध॑मानः ।  
ए॒तया॑ । इ॒ष्ट्या॑ । यजे॑त । इन्द्रा॑य । अ॒होमु॒च इत्य॑हः – मुचै॑ ।  
पु॒रोडा॑शम् । ए॒काद॑शक॒पालमि॒त्येका॑दश – क॒पालम् । नि॒रिति॑ ।  
व॒पेत् । इन्द्रा॑य । वैमृ॑धाय । इन्द्रा॑य । इन्द्रि॑याव॒त इतीन्द्रि॑य – व॒ते ।  
अ॒हसा॑ । वै । ए॒षः । गृही॑तः । यस्मा॑त् । श्रेया॑न् । भ्रातृ॑व्यः । यत् ।  
इन्द्रा॑य । अ॒होमु॒च इत्य॑हः – मुचै॑ । निर्व॑पतीति निः – व॒पति॑ ।  
अ॒हसः॑ । ए॒व । तेन॑ । मु॒च्यते॑ । मृ॒धा । वै । ए॒षः । अ॒भिष॑ण्ण  
इत्य॑भि – स॒न्नः । यस्मा॑त् । स॒माने॑षु । अ॒न्यः । श्रेया॑न् ।

उत । 7 (50)

**2.4.2.4**

–ऽभ्रातृ॑व्यो यदिन्द्रा॑य वैमृ॑धाय मृ॒ध ए॒व तेना॑प ह॒तेयदिन्द्रा॑येन्द्रि॑याव॒त  
इन्द्रि॑यमे॒व तेना॑त्मन् ध॒त्ते त्रय॑स्त्रि॒शत्क॑पालं पु॒रोडा॑शं निर्व॑पति

त्रयस्त्रिंशद्वै देवतास्ता एव यजमान आत्मन्नु समारंभयते भूत्यै  
सा वा एषा विजितिर्नामेष्टिर्य एवं विद्वानेतयेष्ट्या यजत उत्तमामेव  
विजितिं भ्रातृव्येण विजयते । 8

**2.4.2.4 - Padam**

अभ्रातृव्यः । यत् । इन्द्राय । वैमृधाय । मृधः । एव । तेन ।  
अपेति । हते । यत् । इन्द्राय । इन्द्रियावत इतीन्द्रिय – वते ।  
इन्द्रियम् । एव । तेन । आत्मन् । धत्ते ।  
त्रयस्त्रिंशत्कपालमिति त्रयस्त्रिंशत् – कपालम् । पुरोडाशम् ।  
निरिति । वपति । त्रयस्त्रिंशदिति त्रयः – त्रिंशत् । वै ।  
देवताः । ताः । एव । यजमानः । आत्मन् । अन्विति ।  
समारंभयत इति सं – आरंभयते । भूत्यै । सा । वै । एषा ।  
विजितिरिति वि – जितिः । नाम । इष्टिः । यः । एवम् । विद्वान् ।  
एतया । इष्ट्या । यजते । उत्तमामित्युत् – तमाम् । एव ।  
विजितिमिति वि – जितिम् । भ्रातृव्येण । वीति । जयते । 8 (49)

(इन्द्रियावती – भूत्या – उतै – कान्न पञ्चाशच्च) (A2)

**2.4.3.1**

दे॒वा॒सु॒राः सँ॑य॒त्ता आ॒सन् तेषां॑ गाय॒त्र्यो॒जो ब॒लमिन्द्रि॑यं वी॒र्यं॑ प्र॒जां  
प॒शून्त् संगृ॑ह्या \*ऽऽदा॒या-प॒क्रम्या॑तिष्ठत् तेऽम॒न्यन्त॑ य॒तरान्  
वा इ॒यमु॑पाव॒थ्स्य॑ति॒ त इ॒दं भ॑विष्य॒न्तीति॑ तां व्य॑ह्वयन्त॒ विश्व॑कर्म॒न्निति॑  
दे॒वा दा॑भीत्य॒सुराः सा नान्य॑तराञ्च॒-नो॑पाव॒र्तत॑ ते दे॒वा  
ए॒तद्-य॑जुरप॒श्यन्नो॑जोऽसि॒ सहो॑ऽसि॒ बल॑मसि॒ - [ ] 9

**2.4.3.1 - Padam**

दे॒वा॒सु॒रा इति॑ दे॒व - अ॒सु॒राः । सँ॑य॒त्ता इति॑ सं - य॒त्ताः ।  
आ॒सन् । तेषां॑ । गाय॒त्री । ओजः॑ । ब॒लम् । इन्द्रि॑यम् । वी॒र्यम्॑ ।  
प्र॒जामि॑ति प्र - जा॒म् । प॒शून् । संगृ॑ह्येति सं - गृ॒ह्य ।  
आ॒दाये॑त्या - दा॒य । अ॒पक्र॑म्येत्यप - क्र॒म्य । अ॒तिष्ठ॑त् । ते ।  
अ॒मन्य॑न्त । य॒तरान् । वै । इ॒यम् । उ॒पाव॑थ्स्य॒तीत्यु॑प - आ॒वथ्स्य॑ति ।  
ते । इ॒दम् । भ॑विष्य॒न्ति । इति॑ । ता॒म् । वी॒ति । अ॒ह्वय॑न्त ।  
वि॒श्वक॑र्म॒न्निति॑ वि॒श्व - क॒र्मन् । इति॑ । दे॒वाः । दा॑भि । इति॑ ।  
अ॒सु॒राः । सा । न । अ॒न्यत॑रान् । च॒न । उ॒पाव॑र्ततेत्यु॑प - आ॒वर्त॑त ।

ते । दे॒वाः । ए॒तत् । य॒जुः । अ॒प॒श्य॒न् । ओ॒जः । अ॒सि॒ । स॒हः ।

अ॒सि॒ । ब॒लम् । अ॒सि॒ । 9 (50)

### **2.4.3.2**

भ्रा॒जो॑ऽसि॒ दे॒वानां॑ धा॒म॒ नामा॑ऽसि॒ वि॒श्व॑म॒सि॒ वि॒श्वा॒युः॑ स॒र्व॑म॒सि॒  
स॒र्वा॒यु॒र॒भि॒भू॒रि॒ति॒ वा॒व॒ दे॒वा॒ अ॒सु॒रा॒णा॒मो॒जो॑ ब॒ल॒मि॒न्द्रि॒यं॑ वी॒र्यं॑ प्र॒जां  
प॒शून्॑ वृ॒ज्ज॒त॒ यद्-गा॒य॒त्र्य॒प॒क्र॒म्या॒ति॒ष्ठ॒त् तस्मा॑दे॒तां॒ गा॒य॒त्री॒ती॒ष्टि॒माहुः॑  
सँव॑त्स॒रो वै॒ गा॒य॒त्री॒ सँव॑त्स॒रो वै॒ तद॑प॒क्र॒म्या॒ति॒ष्ठ॒द्-य॒दे॒तया॑  
दे॒वा॒अ॒सु॒रा॒णा॒मो॒जो॑ ब॒ल॒मि॒न्द्रि॒यं॑ वी॒र्यं॑ - [ ] 10

### **2.4.3.2 - Padam**

भ्रा॒जः । अ॒सि॒ । दे॒वाना॑म् । धा॒म॒ । ना॒म॒ । अ॒सि॒ । वि॒श्व॑म् । अ॒सि॒ ।  
वि॒श्वा॒यु॒रि॒ति॒ वि॒श्व॑ - आ॒युः॑ । स॒र्व॑म् । अ॒सि॒ । स॒र्वा॒यु॒रि॒ति॒ स॒र्व॑ -  
आ॒युः॑ । अ॒भि॒भू॒रि॒त्य॒भि॒ - भूः॑ । इ॒ति॑ । वा॒व॒ । दे॒वाः॑ । अ॒सु॒रा॒णा॒म् ।  
ओ॒जः॑ । ब॒लम् । इ॒न्द्रि॒यम् । वी॒र्य॑म् । प्र॒जा॒मि॒ति॒ प्र-जा॑म् । प॒शून् ।  
अ॒वृ॒ज्ज॒त॒ । य॒त् । गा॒य॒त्री॒ । अ॒प॒क्र॒म्ये॒त्य॒प॒ - क्र॒म्य॑ । अ॒ति॒ष्ठ॒त् ।  
तस्मा॑त् । ए॒ता॒म् । गा॒य॒त्री॒ । इ॒ति॑ । इ॒ष्टि॑म् । आ॒हुः॑ । सँव॑त्स॒र इ॒ति॑

सं – व॒थ्स॒रः । वै । गाय॑त्री । सँ॒व॒थ्स॒र इति॑ सं – व॒थ्स॒रः । वै ।  
तत् । अ॒प॒क्र॒म्ये॒त्य॒प – क्र॒म्य । अ॒ति॒ष्ठ॒त् । यत् । ए॒तया॑ । दे॒वाः ।  
अ॒सु॒रा॒णाम् । ओजः॑ । ब॒लम् । इ॒न्द्रि॒यम् । वी॒र्यम्॑ । 10 (50)

### 2.4.3.3

प्र॒जां प॒शून् वृ॑ज्ज॒त तस्मा॑दे॒ताऽँ सँ॒व॒र्ग इ॒ती॒ष्टि॒माहु॑र्यो  
भ्रा॒तृ॒व्य॒वा॒न्थ॒स्याथ् स॒स्प॒र्ध॒मान॑ ए॒तये॑ष॒ट्या य॒जे॒ता॒ग्नये॑ सँ॒व॒र्गाय॑  
पु॒रो॒डा॒श॒म॒ष्टा॒क॒पा॒लं नि॒र्व॒पे॒त्त॒ऽश्रु॑त॒मा॒स॒न्नमे॑तेन य॒जु॒षा॒ऽभि  
मृ॒शे॒दो॒ज ए॒व ब॒ल॒मि॒न्द्रि॒यं वी॒र्यं॑ प्र॒जां प॒शून् भ्रा॒तृ॒व्य॒स्य वृ॑ङ्के  
भ॒व॒त्या॒त्म॒ना॒ परा॑स्य भ्रा॒तृ॒व्यो भ॒वति॑ । 11

### 2.4.3.3 - Padam

प्र॒जा॒मि॒ति प्र – जा॑म् । प॒शून् । अ॒वृ॑ज्ज॒त । तस्मा॑त् । ए॒ताम् ।  
सँ॒व॒र्ग इति॑ सं – वर्गः॑ । इति॑ । इ॒ष्टि॒म् । आ॒हुः । यः ।  
भ्रा॒तृ॒व्य॒वा॒नि॒ति भ्रा॒तृ॒व्य – वा॒न् । स्या॑त् । सः । स्पर्ध॑मानः । ए॒तया॑ ।  
इ॒ष्ट्या॑ । य॒जे॒त । अ॒ग्नये॑ । सँ॒व॒र्गाये॑ति सं – वर्गा॑य ।  
पु॒रो॒डा॒शम् । अ॒ष्टा॒क॒पा॒ल॒मि॒त्य॒ष्टा – क॒पा॒लम् । नि॒रि॒ति ।

व॒पेत् । तम् । शृ॒तम् । आ॒सन्न॒मित्या॒ – स॒न्नम् । ए॒तेन॑ । य॒जुषा॑ ।  
अ॒भीति॑ । मृ॒शेत् । ओजः॑ । ए॒व । ब॒लम् । इ॒न्द्रि॒यम् । वी॒र्यम्॑ ।  
प्र॒जामि॑ति प्र – जा॒म् । प॒शून् । भ्रातृ॑व्यस्य । वृ॒द्धे । भ॒वति॑ ।  
आ॒त्मना॑ । प॒रेति॑ । अ॒स्य । भ्रातृ॑व्यः । भ॒वति॑ । 11 (45)

(ब॒लम॑स्ये – तया॑ दे॒वा अ॒सुरा॑णामो॒जो ब॒लमि॑न्द्रि॒यं वी॒र्यं॑ –  
पञ्च॑च॒त्वारि॑ञ्श॒च्च) (A3)

#### 2.4.4.1

प्र॒जाप॑तिः प्र॒जा अ॒सृज॑त ता अ॒स्मात् सृ॒ष्टाः प॒राची॑रायन् ता  
यत्रा॑व॒सन् ततो॑ ग॒र्मुदु॑दतिष्ठत् ता बृ॒हस्प॑तिश्चान्व॒वैता॑ञ् सोऽब्र॑वीद्  
बृ॒हस्प॑तिरनया॑ त्वा प्र॒तिष्ठा॑न्यथ॒ त्वा प्र॒जा उ॒पाव॑त्स्व॒न्तीति॑ तं प्रा॒तिष्ठ॑त्  
ततो॑ वै प्र॒जाप॑तिं प्र॒जा उ॒पाव॑र्तन्त यः प्र॒जाका॑मः स्यात् तस्मा॑ ए॒तं  
प्रा॒जाप॑त्यं गा॒र्मुतं॑ च॒रुं निर्व॑पेत् प्र॒जाप॑ति – [ ] 12

#### 2.4.4.1 - Padam

प्र॒जाप॑तिरिति प्र॒जा – प॒तिः । प्र॒जा इति॑ प्र-जाः । अ॒सृज॑त । ताः ।  
अ॒स्मात् । सृ॒ष्टाः । प॒राचीः । आ॒यन् । ताः । यत्र॑ । अ॒वस॑न् । ततः॑ ।



ग॒र्मु॒त् । उ॒दि॒ति॒ । अ॒ति॒ष्ठ॒त् । ताः । बृ॒ह॒स्प॒तिः । च ।  
 अ॒न्व॒वै॒ता॒मि॒त्य॒नु॒ – अ॒वै॒ता॒म् । सः । अ॒ब्र॒वी॒त् । बृ॒ह॒स्प॒तिः । अ॒न॒या॑ ।  
 त्वा । प्रे॒ति॒ । ति॒ष्ठा॒नि॒ । अ॒थ॒ । त्वा । प्र॒जा इति॑ प्र – जाः ।  
 उ॒पा॒व॒थ्स्य॑न्तीत्युप – आ॒व॒थ्स्य॑न्ति । इति॑ । तम् । प्रे॒ति॒ । अ॒ति॒ष्ठ॒त् ।  
 ततः॑ । वै । प्र॒जा॒प॒ति॒मि॒ति॒ प्र॒जा – प॒ति॒म् । प्र॒जा इति॑ प्र – जाः ।  
 उ॒पा॒व॒र्त॒न्ते॒त्यु॒प – आ॒व॒र्त॒न्त॒ । यः । प्र॒जा॒का॒म॒ इति॑ प्र॒जा – का॒मः ।  
 स्या॒त् । तस्मै॑ । ए॒त॒म् । प्रा॒जा॒प॒त्य॒मि॒ति॒ प्रा॒जा – प॒त्य॒म् । गा॒र्मु॒त॒म् ।  
 च॒रु॒म् । नि॒रि॒ति॒ । व॒पे॒त् । प्र॒जा॒प॒ति॒मि॒ति॒ प्र॒जा – प॒ति॒म् । 12 (50)

#### 2.4.4.2

–मे॒व स्वे॒न भा॒ग॒धे॒ये॒नो॒प॒ धा॒व॒ति॒ स ए॒वा॒स्मै॑ प्र॒जां प्र॒ज॒न॒य॒ति॒प्र॒जा॒प॒तिः॑  
 प॒शून् सृ॒ज॒त॒ ते॒ऽस्मा॒त् सृ॒ष्टाः॑ प॒राञ्च॑ आ॒यन् ते॒ यत्रा॑व॒सन् ततो॑  
 ग॒र्मु॒दु॒द॒ति॒ष्ठ॒त् ता॒न् पू॒षा चा॒न्व॒वै॒ता॒ं सो॑ऽब्रवीत् पू॒षाऽन॒या मा॒ प्रति॑ष्ठा॒थ  
 त्वा प॒शव॑ उ॒पा॒व॒थ्स्य॑न्तीति मां प्रति॑ष्ठेति सोमो॑ऽब्रवीन्

मम॒ वा – [ ] 13

**2.4.4.2 - Padam**

ए॒व । स्वे॒न । भा॒ग॒धे॒ये॒ने॒ति॒ भा॒ग – धे॒ये॒न । उ॒पे॒ति॒ । धा॒व॒ति॒ ।  
सः । ए॒व । अ॒स्मै । प्र॒जा॒मि॒ति॒ प्र – जा॒म् । प्रे॒ति॒ । ज॒न॒य॒ति॒ ।  
प्र॒जा॒प॒ति॒रि॒ति॒ प्र॒जा – प॒तिः । प॒शून् । अ॒सृ॒ज॒त॒ । ते॒ । अ॒स्मा॒त् ।  
सृ॒ष्टाः । प॒राञ्चः । आ॒यन् । ते॒ । य॒त्र । अ॒व॒सन् । त॒तः । ग॒र्मु॒त् ।  
उ॒दि॒ति॒ । अ॒ति॒ष्ठ॒त् । तान् । पू॒षा । च॒ । अ॒न्व॒वै॒ता॒मि॒त्यनु॒ – अ॒वै॒ता॒म् ।  
सः । अ॒ब्र॒वी॒त् । पू॒षा । अ॒नया॑ । मा॒ । प्रे॒ति॒ । ति॒ष्ठ॒ । अथ॑ । त्वा॒ ।  
प॒शवः॑ । उ॒पा॒व॒थ्स्य॑न्तीत्युप – आ॒व॒थ्स्य॑न्ति । इ॒ति॒ । मा॒म् । प्रे॒ति॒ ।  
ति॒ष्ठ॒ । इ॒ति॒ । सोमः॑ । अ॒ब्र॒वी॒त् । म॒म॒ । वै । 13 (50)

**2.4.4.3**

अ॒कृ॒ष्ट॒प॒च्य॒मि॒त्यु॒भौ वां॑ प्र॒ति॒ष्ठा॒नी॒त्य॒ब्र॒वी॒त् तौ॑ प्रा॒ति॒ष्ठ॒त् ततो॑ वै  
प्र॒जा॒प॒तिं॑ प॒शव॑ उ॒पा॒व॒र्त॒न्त॒ यः प॒शु॒का॒मः स्या॒त् तस्मा॑ ए॒त॒ञ्  
सो॒मा॒पौ॒ष्णं॑ गा॒र्मु॒तं च॒रुं॑ नि॒र्व॒पे॒थ् सो॒मा॒पू॒ष॒णा॒वे॒व स्वे॒न भा॒ग॒धे॒ये॒नो॒प  
धा॒व॒ति॒ ता॒वे॒वा॒स्मै प॒शून् प्र॒ज॒न॒य॒तः सोमो॑ वै रे॒तो॒धाः पू॒षा प॒शूनां॑  
प्र॒ज॒न॒यि॒ता सोम॑ ए॒वा॒स्मै रे॒तो द॒धा॒ति पू॒षा ( ) प॒शून् प्र॒ज॒न॒य॒ति॒ । 14

**2.4.4.3 - Padam**

अ॒कृ॒ष्ट॒प॒च्य॒मि॒त्य॒कृ॒ष्ट – प॒च्य॒म् । इति॑ । उ॒भौ । वा॒म् । प्रेति॑ ।  
ति॒ष्ठानि॑ । इति॑ । अ॒ब्र॒वीत् । तौ । प्रेति॑ । अ॒ति॒ष्ठत् । ततः॑ । वै ।  
प्र॒जा॒प॒ति॒मि॒ति॒ प्र॒जा – प॒ति॒म् । प॒श॒वः । उ॒पा॒व॒र्त॒न्ते॒त्यु॒प–आ॒व॒र्त॒न्त ।  
यः । प॒शु॒का॒म् इति॑ प॒शु – का॒मः । स्यात् । तस्मै॑ । ए॒त॒म् ।  
सो॒मा॒पौ॒ष्ण॒मि॒ति॒ सो॒मा – पौ॒ष्ण॒म् । गा॒र्मु॒त॒म् । च॒रु॒म् । नि॒रि॒ति॑ ।  
व॒पेत् । सो॒मा॒पू॒ष॒णा॒वि॒ति॒ सो॒मा – पू॒ष॒णौ । ए॒व । स्वे॒न ।  
भा॒ग॒धे॒ये॒ने॒ति॒ भा॒ग– धे॒ये॒न । उ॒पे॒ति॑ । धा॒व॒ति॑ । तौ । ए॒व । अ॒स्मै ।  
प॒शून् । प्रेति॑ । ज॒न॒य॒तः । सो॒मः । वै । रे॒तो॒धा इति॑ रे॒तः – धाः ।  
पू॒षा । प॒शू॒ना॒म् । प्र॒ज॒न॒यि॒ते॒ति॒ प्र – ज॒न॒यि॒ता । सो॒मः । ए॒व ।  
अ॒स्मै । रे॒तः । द॒धा॒ति॑ । पू॒षा ( ) । प॒शून् । प्रेति॑ ।

ज॒न॒य॒ति॑ । 14 (53)

(व॒पेत् प्र॒जा॒प॒तिं – वै – द॒धा॒ति पू॒षा – त्रीणि॑ च) (A4)

**2.4.5.1**

अग्ने॑ गोभि॑र्न आ ग॒ही॒न्दो पु॒ष्ट्या जु॒षस्व॑ नः ।  
इन्द्रो॑ ध॒र्ता गृ॒हेषु॑ नः । स॒विता॑ यः स॒हस्रि॑यः स नो॑ गृ॒हेषु॑ रा॒रणात् ।  
आ पू॒षा ए॒त्वा वसु॑ । धा॒ता द॑दातु नो र॒यिमी॑शानो जग॒तस्प॑तिः ।  
स नः॑ पू॒र्णेन॑ वा॒वनात् । त्वष्टा॑ यो वृ॒षभो॑ वृषा स नो॑ गृ॒हेषु॑ रा॒रणात् ।  
सह॑स्रेणा॒युते॑न च । येन॑ दे॒वा अ॒मृतं॑ – [ ] 15

**2.4.5.1 - Padam**

अग्ने॑ । गोभिः॑ । नः । एति॑ । ग॒हि । इन्द्रो॑ इति॑ । पु॒ष्ट्या । जु॒षस्व॑ ।  
नः । इन्द्रः॑ । ध॒र्ता । गृ॒हेषु॑ । नः । स॒विता॑ । यः । स॒हस्रि॑यः ।  
सः । नः । गृ॒हेषु॑ । रा॒रणात् । एति॑ । पू॒षा । ए॒तु । एति॑ । वसु॑ ।  
धा॒ता । द॑दातु । नः । र॒यिम् । ई॒शानः॑ । जग॒तः । प॑तिः । सः । नः ।  
पू॒र्णेन॑ । वा॒वनात् । त्वष्टा॑ । यः । वृ॒षभः॑ । वृषा॑ । सः । नः । गृ॒हेषु॑ ।  
रा॒रणात् । सह॑स्रेण । अ॒युते॑न । च । येन॑ । दे॒वाः । अ॒मृतम्॑ । 15 (50)

**2.4.5.2**

दी॒र्घञ् श्रवो॑ दि॒व्यैर॑यन्त । रा॒यस्पोष॑ त्वम॒स्मभ्यं॑ ग॒वां कु॒ल्मिं जी॒वस॑  
आ यु॑वस्व । अ॒ग्नि गृ॒हप॑तिः सोमो॑ वि॒श्वव॑निः स॒विता सु॑मे॒धाः

स्वाहा॑ । अ॒ग्ने॑ गृ॒हप॑ते॒ यस्ते॑ घृ॒त्यो॑ भा॒गस्ते॑न॒ सह॑ ओज॑ आ॒क्रम॑मा॒णाय॑  
धेहि॑ श्रै॒ष्ठ्या॑त्प॒थो मा॑ योषं॑ मूर्धा॑ भू॒यास॑ ॥ स्वाहा॑ । 16

#### 2.4.5.2 - Padam

दी॒र्घम् । श्र॒वः । दि॒वि । ऐ॒रय॑न्त । रा॒यः । पो॒ष । त्वम् ।  
अ॒स्मभ्य॑मि॒त्यस्म॑ – भ्यम् । ग॒वाम् । कु॒ल्मि॑म् । जी॒वसे॑ । ए॒ति ।  
यु॒वस्व॑ । अ॒ग्निः । गृ॒हप॑तिरि॒ति गृ॒ह – प॑तिः । सोमः॑ । वि॒श्वव॑नि॒रिति॑  
वि॒श्व – व॑निः । स॒वि॒ता । सु॒मे॒धा इति॑ सु॒मे॒धाः । स्वाहा॑ । अ॒ग्ने॑ ।  
गृ॒हप॑त इति॑ गृ॒ह – प॑ते । यः । ते । घृ॒त्यः । भा॒गः । ते॒न । स॒हः ।  
ओजः॑ । आ॒क्रम॑मा॒णाय॑त्या॒क्रम॑मा॒णाय॑ । धेहि॑ । श्रै॒ष्ठ्या॑त् । प॒थः ।  
मा । योष॑म् । मूर्धा॑ । भू॒यास॑म् । स्वाहा॑ । 16 (38)

(अ॒मृत॑ – म॒ष्टात्रि॑ंश॒च्च) (A5)

#### 2.4.6.1

चि॒त्रया॑ य॒जेत॑ प॒शुकाम॑ इ॒यं वै॑ चि॒त्रा य॒द्वा अ॒स्यां वि॑श्वं॒ भूत॑मधि॒  
प्र॒जाय॑ते ते ने॒यञ्चि॑त्रा य॒ एवं वि॑द्वा ॥ श्रि॒त्रया॑ प॒शुकामो॑ य॒जते॑  
प्र॒ प्र॒जया॑ प॒शुभि॑ मि॒थुनै॑र्जा॒यते॑ प्रै॒वाग्ने॑येन॒ वाप॑यति॒ रेतः॑ सौ॒म्येन॑

दधाति॑ रे॒त ए॒व हि॒तं त्व॑ष्टा रू॒पाणि॑ वि॒ करो॑तिसारस्व॒तौ भ॑वत ए॒तद्वै  
दै॒व्यं मि॒थुनं॑ दै॒व्यमे॒वास्मै॑ – [ ] 17

#### **2.4.6.1 - Padam**

चि॒त्रया॑ । य॒जेत॑ । प॒शुका॑म इति॑ प॒शु – का॒मः । इ॒यम् । वै ।  
चि॒त्रा । यत् । वै । अ॒स्याम् । वि॒श्वम् । भू॒तम् । अधी॑ति । प्र॒जाय॑त  
इति॑ प्र – जा॒यते॑ । तेन॑ । इ॒यम् । चि॒त्रा । यः । ए॒वम् । वि॒द्वान् ।  
चि॒त्रया॑ । प॒शुका॑म इति॑ प॒शु – का॒मः । य॒जते॑ । प्रेति॑ ।  
प्र॒जये॑ति प्र – जया॑ । प॒शुभि॑रिति॑ प॒शु – भिः । मि॒थुनैः॑ । जा॒यते॑ ।  
प्रेति॑ । ए॒व । आ॒ग्नेये॑न । वा॒पय॑ति । रे॒तः । सौ॒म्येन॑ । द॒धाति॑ । रे॒तः ।  
ए॒व । हि॒तम् । त्व॑ष्टा । रू॒पाणि॑ । वी॒ति । करो॑ति । सा॒रस्व॒तौ ।  
भ॒वतः॑ । ए॒तत् । वै । दै॒व्यम् । मि॒थुन॑म् । दै॒व्यम् । ए॒व ।

अ॒स्मै । 17 (50)

#### **2.4.6.2**

मि॒थुनं॑ म॒ध्यतो॑ द॒धाति॑ पु॒ष्ट्यै॑ प्र॒जन॑नाय सि॒नीवा॒ल्यै च॒रुर्भ॑वति  
वा॒ग्वै सि॒नीवा॒ली पु॒ष्टिः ख॒लु वै वा॒क्पु॒ष्टिमे॒व वा॒चमु॑पै॒त्यैन्द्र॑ उत्त॒मो

भवति तेनैव तन्मिथुनं सप्तैतानि हवींषि भवन्ति सप्त ग्राम्याः  
 पशवः सप्तारण्याः सप्त छन्दांस्यु-भयस्या-वरुद्ध्या अथैता  
 आहुती जुहोत्येते वै देवाः पुष्टिपतयस्त एवा( ) स्मिन् पुष्टिं दधति  
 पुष्यति प्रजया पशुभिरथो यदेता आहुती जुहोति प्रतिष्ठित्यै । 18

#### 2.4.6.2 - Padam

मिथुनम् । मध्यतः । दधाति । पुष्ट्यै । प्रजननायेति प्र – जननाय ।  
 सिनीवाल्थै । चरुः । भवति । वाक् । वै । सिनीवाली । पुष्टिः ।  
 खलु । वै । वाक् । पुष्टिम् । एव । वाचम् । उपेति । एति । ऐन्द्रः ।  
 उत्तम इत्युत् – तमः । भवति । तेन । एव । तत् । मिथुनम् । सप्त ।  
 एतानि । हवींषि । भवन्ति । सप्त । ग्राम्याः । पशवः । सप्त ।  
 आरण्याः । सप्त । छन्दांसि । उभयस्य । अवरुद्ध्या  
 इत्यव – रुद्ध्यै । अथ । एताः । आहुतीरित्या – हुतीः ।  
 जुहोति । एते । वै । देवाः । पुष्टिपतय इति पुष्टि – पतयः ।  
 ते । एव ( ) । अस्मिन् । पुष्टिम् । दधति । पुष्यति । प्रजयेति  
 प्र – जया । पशुभिरिति पशु – भिः । अथो इति । यत् । एताः ।

आहु॑तीरि॒त्या – हु॒तीः । जु॒होति॑ । प्र॒तिष्ठि॑त्या इति  
प्र॒ति – स्थि॑त्यै । 18 (62) (अ॒स्मै – त ए॒व – द्वा॒दश॑ च) (A6)

**2.4.7.1**

मा॒रु॒तम॑सि म॒रु॒तामो॑जोऽपां॒ धारां॑ भि॒न्धि र॑मय॒त म॑रु॒तः श्ये॑नमा॒यिनं॑  
मनो॑जव॒ सं वृ॑षण॒ सुवृ॑क्तिं । येन॑ श॒र्ध उ॒ग्रम॑व-सृष्ट॒मेति॑ तद॒श्विना॑  
परि॑ ध॒त्त स्व॑स्ति । पु॒रोवा॑तो व॒र्षज्जि॑न्वरावृ॒थ-स्वाहा॑ वा॒तावद्-  
व॒र्षन्नु॑ग्रावृ॒थ स्वाहा॑ स्तन॒यन् व॒र्षन् भी॑मरावृ॒थस्वाहा॑  
ऽन॒श॒न्यव॑स्फूर्जन्-दि॒द्युद्-व॒र्षन्-त्वे॒षरा॑वृ॒थ स्वाहा॑ ऽति॒रात्रां॑ व॒र्षन्  
पू॒र्तिरा॑वृ॒थ – [ ] 19

**2.4.7.1 - Padam**

मा॒रु॒तम् । अ॒सि । म॒रु॒ताम् । ओजः॑ । अ॒पाम् । धा॒राम् । भि॒न्धि ।  
र॑मय॒त । म॒रु॒तः । श्ये॑नम् । आ॒यिन॑म् । मनो॑जव॒समि॑ति  
मनः॑ – ज॒वस॑म् । वृ॑षणम् । सु॒वृ॒क्तिमि॑ति सु – वृ॒क्तिम् ।  
येन॑ । श॒र्धः । उ॒ग्रम् । अ॒वसृ॑ष्ट॒मित्य॑व – सृष्ट॒म् । ए॒ति । तत् ।  
अ॒श्विना॑ । प॒रीति॑ । ध॒त्तम् । स्व॑स्ति । पु॒रोवा॑त इति॑ पु॒रः – वा॒तः ।



वर्षन् । जिन्वः । आवृदित्या – वृत् । स्वाहा ।  
वातावदिति वात – वृत् । वर्षन् । उग्रः । आवृदित्या – वृत् ।  
स्वाहा । स्तनयन् । वर्षन् । भीमः । आवृदित्या – वृत् । स्वाहा ।  
अनशनि । अवस्फूर्जन्नित्यव-स्फूर्जन् । दिद्युत् । वर्षन् । त्वेषः ।  
आवृदित्या – वृत् । स्वाहा । अतिरात्रामित्यति – रात्रम् ।  
वर्षन् । पूर्तिः । आवृदित्या – वृत् । 19 (50)

#### 2.4.7.2

स्वाहा बहु हायमवृषादिति श्रुतरावृथ् स्वाहा ऽऽतपति वर्षन्-  
विशडावृथ् स्वाहा ऽवस्फूर्जन्-दिद्युद्-वर्षन्भूतरावृथ् स्वाहामान्दा  
वाशाः शुन्ध्यूरजिराः । ज्योतिष्मती-स्तमस्वरी-रुन्दतीः  
सुफेनाः । मित्रभृतः क्षत्रभृतः सुराष्ट्रा इह माऽवत ।  
वृष्णो अश्वस्य सन्दानमसि वृष्ट्यै त्वोप नह्यामि । 20

#### 2.4.7.2 - Padam

स्वाहा । बहु । ह । अयम् । अवृषात् । इति । श्रुतः ।  
आवृदित्या – वृत् । स्वाहा । आतपतीत्या – तपति । वर्षन् ।

वि॒राडि॑ति वि – राट् । आ॒वृ॒दि॒त्या – वृत् । स्वा॒हा ।  
 अ॒वस्फूर्ज॑न्नित्य॒व – स्फूर्ज॑न् । दि॒द्युद् । व॒र्ष॑न् । भू॒तः ।  
 आ॒वृ॒दि॒त्या – वृत् । स्वा॒हा । मा॒न्दाः । वा॒शाः । शु॒न्ध्यूः । अ॒जि॒राः ।  
 ज्यो॑तिष्म॒तीः । तम॑स्व॒रीः । उ॒न्द॒तीः । सु॒फे॒ना इति॑ सु – फे॒नाः ।  
 मि॒त्र॒भृ॒त इति॑ मि॒त्र – भृ॒तः । क्ष॒त्र॒भृ॒त इति॑ क्ष॒त्र – भृ॒तः । सु॒रा॒ष्ट्रा  
 इति॑ सु – रा॒ष्ट्राः । इ॒ह । मा । अ॒व॒त । वृ॒ष्णः । अ॒श्व॒स्य ।  
 सं॒दान॒मि॒ति सं – दान॑म् । अ॒सि । वृ॒ष्ट्यै । त्वा । उ॒पे॒ति ।  
 न॒ह्यामि॑ । 20 (42) (पू॒र्ति॒रा॒वृ॒द् – द्वि॒च॒त्वा॒रि॒ञ्च॑) (A7)  
**2.4.8.1**  
 दे॒वा व॑स॒व्या अ॒ग्ने सो॑म सूर्य । दे॒वाः श॑र्म॒ण्या मि॒त्रा॑व॒रु॒णाऽर्य॑मन् ।  
 दे॒वाः स॑पी॒तयो॑ ऽपा॒न्-न॑पा॒दाशु॑हेमन् । उ॒द॒नो द॑त्तो॒दधिं॑ भि॒न्त दि॒वः  
 प॒र्ज॒न्याद॑न्तरि॒क्षात्-पृ॒थि॒व्यास्त॑तो नो वृ॒ष्ट्याऽव॑त ।  
 दि॒वा चि॑त्त॒मः कृ॑ण्वन्ति प॒र्जन्ये॑नो-द॒वाहे॑न । पृ॒थि॒वीं य॑द् व्यु॒न्दन्ति॑ ।  
 आ॒यन् नरः॑ सु॒दान॑वो द॒दाशु॑षे दि॒वः को॑श॒मचु॑च्यवुः ।  
 वि प॒र्ज॒न्याः सृ॑जन्ति रोद॒सी अनु॑ ध॒न्व॒ना य॑न्ति – [ ] 21

**2.4.8.1 - Padam**

दे॒वाः । व॒स॒व्याः । अ॒ग्ने॑ । सो॒म । सू॒र्य । दे॒वाः । श॒र्म॒ण्याः ।  
मि॒त्रा॒व॒रु॒णे॒ति मि॒त्रा – व॒रु॒णा । अ॒र्य॒म॒न् । दे॒वाः । स॒पी॒त॒य इति॑  
स – पी॒त॒यः । अ॒पा॒म् । न॒पा॒त् । आ॒शु॒हे॒म॒न्नि॒त्या॒शु – हे॒म॒न् ।  
उ॒द्-नः॑ । द॒त्त । उ॒द॒धि॒मि॒त्यु॒द – धि॒म् । भि॒न्त । दि॒वः । प॒र्ज॒न्या॒त् ।  
अ॒न्त॒रि॒क्षा॒त् । पृ॒थि॒व्याः । त॒तः । नः॑ । वृ॒ष्ट्या॑ । अ॒व॒त । दि॒वा ।  
चि॒त् । त॒मः । कृ॒ण्व॒न्ति । प॒र्ज॒न्ये॒न । उ॒द॒वा॒हे॒ने॒त्यु॒द – वा॒हे॒न ।  
पृ॒थि॒वी॒म् । य॒त् । व्यु॒न्द॒न्ती॒ति वि – उ॒न्द॒न्ति । ए॒ति । य॒म् । न॒रः ।  
सु॒दा॒न॒व इति॑ सु॒-दा॒न॒वः । द॒दा॒शु॒षे॑ । दि॒वः । को॒श॒म् । अ॒चु॒च्य॒वुः ।  
वी॒ति । प॒र्ज॒न्याः॑ । सृ॒ज॒न्ति॑ । रो॒द॒सी इति॑ । अ॒न्वि॒ति ।  
ध॒न्व॒ना । य॒न्ति॑ । 21 (50)

**2.4.8.2**

वृ॒ष्टयः॑ । उ॒दी॒र॒य॒था म॒रु॒तः स॒मु॒द्र॒तो यू॒यं वृ॒ष्टिं वृ॒ष्टय॒था पु॒री॒षि॒णः ।  
न वो॑ द॒स्रा उप॑ द॒स्य॒न्ति धे॒न॒वः शु॒भं या॒ता॒म॒नु र॒था अ॒वृ॒त्स॒त ।  
सृ॒जा वृ॒ष्टिं दि॒व आ॒द्भिः॑ स॒मु॒द्रं पृ॒ण । अ॒ब्जा अ॒सि प्र॒थ॒म॒जा

बलमसि॑ समुद्रि॑यं । उन्न॑म्भय पृथि॑वीं भिन्धी॑दं दि॒व्यं नभः॑ ।  
 उ॒द्नो दि॒व्यस्य॑ नो दे॒हीशा॑नो वि॒सृ॒जा दृतिं॑ । ये दे॒वा ( ) दि॒विभा॑गा  
 येऽन्तरि॑क्ष भा॒गा ये पृथि॑वि भा॒गाः । त इ॒मं य॒ज्ञम॑वन्तु त इ॒दं क्षे॒त्रमा  
 वि॒शन्तु॑ त इ॒दं क्षे॒त्रम॑नु वि॒शन्तु॑ । 22

#### 2.4.8.2 - Padam

वृष्टि॑यः । उ॒दि॒ति । ई॒रय॑थ । म॒रुतः॑ । स॒मु॒द्र॒तः । यू॒यम् । वृष्टि॑म् ।  
 व॒र्षय॑थ । पु॒रीषि॑णः । न । वः । द॒स्राः । उ॒पेति॑ । द॒स्यन्ति॑ ।  
 धे॒नवः॑ । शु॒भम् । या॒ताम् । अ॒न्वि॒ति । र॒थाः । अ॒वृ॒थ्स॒त । सृ॒ज ।  
 वृष्टि॑म् । दि॒वः । ए॒ति । अ॒द्भिरि॑त्यत् – भिः । स॒मु॒द्र॒म् । पृ॒ण ।  
 अ॒ब्जा इ॒त्यप् – जाः॑ । अ॒सि । प्र॒थम॑जा इति प्रथम – जाः ।  
 ब॒लम् । अ॒सि । स॒मु॒द्रि॒यम् । उ॒दि॒ति । न॒भय॑ । पृथि॑वीम् । भिन्धि॑ ।  
 इ॒दम् । दि॒व्यम् । नभः॑ । उ॒द्नः॑ । दि॒व्यस्य॑ । नः॑ । दे॒हि । ई॒शा॒नः ।  
 वी॒ति । सृ॒ज । दृ॒तिम् । ये । दे॒वाः ( ) । दि॒विभा॑गा इति  
 दि॒वि – भा॒गाः । ये । अ॒न्तरि॑क्षभा॒गा इ॒त्यन्तरि॑क्ष – भा॒गाः । ये ।  
 पृथि॑वि भा॒गा इति॑ पृथि॑वि – भा॒गाः । ते । इ॒मम् । य॒ज्ञम् । अ॒वन्तु॑ ।

ते । इ॒दम् । क्षे॒त्रम् । ए॒ति । वि॒श॒न्तु । ते । इ॒दम् । क्षे॒त्रम् । अनु॑ ।  
वी॒ति । वि॒श॒न्तु । 22 (70) (य॒न्ति – दे॒वा – वि॒श॒तिश्च॑) (A8)

#### 2.4.9.1

मा॒रु॒तम॑सि म॒रु॒तामो॑ज इति॑ कृ॒ष्णं वा॑सः कृ॒ष्णातू॑षं परि॑ धत्त ए॒तद्वै  
वृ॒ष्ट्यै॑ रू॒पं स॑रूप ए॒व भू॒त्वा पर्ज॑न्यं व॒र्षय॑तिरम॒यत॑ म॒रुतः  
श्ये॑नमा॒यिन॑मिति॑ पश्चा॒द्वा॒तं प्र॑ति मी॒वति॑ पु॒रोवा॑तमे॒व ज॑नयति व॒र्षस्य॑  
व॒रु॒द्ध्यै॑ वा॒तना॑मानि जु॒होति॑ वा॒युर्वै वृ॒ष्ट्या ई॑शे वा॒युमे॒व स्वे॑न  
भा॒ग॒धे॒ये॒नोप॑ धा॒वति॑ स ए॒वास्मै॑ पर्ज॑न्यं व॒र्षय॑त्यष्टौ – [ ] 23

#### 2.4.9.1 - Padam

मा॒रु॒तम् । अ॒सि । म॒रु॒ताम् । ओ॒जः । इति॑ । कृ॒ष्णम् । वा॑सः ।  
कृ॒ष्णातू॑षमिति॑ कृ॒ष्ण – तू॑षम् । प॒रीति॑ । ध॒त्ते । ए॒तत् । वै । वृ॒ष्ट्यै॑ ।  
रू॒पम् । स॑रूप इति॑ स – रू॒पः । ए॒व । भू॒त्वा । पर्ज॑न्यम् ।  
व॒र्षय॑ति । र॒मय॑त । म॒रु॒तः । श्ये॑नम् । आ॒यिन॑म् । इति॑ ।  
पश्चा॒द्वा॒तमिति॑ पश्चा॒त् – वा॒तम् । प्र॑तीति॑ । मी॒वति॑ । पु॒रोवा॑तमिति॑  
पु॒रः – वा॒तम् । ए॒व । ज॑नयति॑ । व॒र्षस्य॑ । अ॒व॒रु॒द्ध्यै॑

इ॒त्य॒व॒ – रु॒द्ध्यै॑ । वा॒त॒ना॒मा॒नी॒ति॒ वा॒त॒ – ना॒मा॒नि॑ । जु॒हो॒ति॒ । वा॒युः॑ ।  
वै । वृ॒ष्ट्याः॑ । ई॒शे॑ । वा॒यु॒म् । ए॒व । स्वे॒न ।  
भा॒ग॒धे॒ये॒ने॒ति॑ भा॒ग॒– धे॒ये॒न॑ । उ॒पे॒ति॑ । धा॒व॒ति॑ । सः॑ । ए॒व । अ॒स्मै॑ ।  
प॒र्जन्य॑म् । व॒र्ष॒य॒ति॑ । अ॒ष्टौ । 23 (50)

#### 2.4.9.2

जु॒हो॒ति॒ च॒त॒स्रो॒ वै दि॒शश्च॑त॒स्रोऽवा॑न्त॒रदि॒शा दि॒ग्भ्य॑ ए॒व वृ॒ष्टि॑  
सं प्र च्या॑व॒य॒ति कृ॒ष्णा॒जि॒ने सँ॑यौ॒ति ह॒वि॒रे॒वाक॑रन्त॒र्वे॒दि सँ॑यौ॒त्य  
व॒रु॒द्ध्यै॑ य॒ती॒ना॒म॒द्य॒मा॒ना॒नां॑ शी॒र्षा॒णि प॒राऽप॑तन्ते ख॒र्जू॒रा अ॒भव॑न्–  
तेषां॑ र॒स ऊ॒र्ध्वोऽप॑तत्–ता॒नि क॒री॒रा॒ण्य॒–भ॒व॒न्थ् सौ॒म्या॒नि वै  
क॒री॒रा॒णि सौ॒म्या ख॒लु वा आ॑हु॒ति दि॒वो वृ॒ष्टिं च्या॑व॒य॒ति य॒त्क॒री॒रा॒णि  
भ॒व॒न्ति॑ – [ ] 24

#### 2.4.9.2 - Padam

जु॒हो॒ति॒ । च॒त॒स्रः॑ । वै । दि॒शः॑ । च॒त॒स्रः॑ । अ॒वा॒न्त॒रदि॒शा  
इ॒त्य॒वा॒न्त॒र – दि॒शाः॑ । दि॒ग्भ्य॑ इति॑ दिक् – भ्यः॑ । ए॒व । वृ॒ष्टि॑म् ।  
सम् । प्रेति॑ । च्या॑व॒य॒ति । कृ॒ष्णा॒जि॒न इति॑ कृ॒ष्ण॒–अ॒जि॒ने । स॒मि॒ति॑ ।

यौ॒ति । ह॒विः । ए॒व । अ॒कः । अ॒न्त॒र्वे॒दी॒त्यन्तः॑ – वे॒दि । स॒मि॒ति ।  
यौ॒ति । अ॒व॒रु॒ध्या इ॒त्यव॑ – रु॒ध्वै । य॒ती॒नाम् । अ॒द्य॒मा॒ना॒नाम् ।  
शी॒र्षा॒णि । प॒रे॒ति । अ॒प॒त॒न् । ते । ख॒र्जू॒राः । अ॒भ॒व॒न् । तेषा॑म् ।  
र॒सः । ऊ॒र्ध्वः । अ॒प॒त॒त् । ता॒नि । क॒री॒रा॒णि । अ॒भ॒व॒न् । सौ॒म्या॒नि ।  
वै । क॒री॒रा॒णि । सौ॒म्या । ख॒लु । वै । आ॒हु॒ति॒रि॒त्या – हु॒तिः । दि॒वः ।  
वृ॒ष्टि॑म् । च्या॒व॒य॒ति । य॒त् । क॒री॒रा॒णि । भ॒व॒न्ति । 24 (50)

### 2.4.9.3

सौ॒म्य॒यै॒वाऽऽ\*हु॒त्या दि॒वो वृ॒ष्टि॑म॒व रु॒न्धे म॒धु॒षा सं यौ॒त्य॒पां वा ए॒ष  
ओ॒ष॒धी॒ना र॒सो य॒न्म॒ध्व॒द्भ्य ए॒वौष॑धी॒भ्यो व॒र्ष॒त्य॒थो अ॒द्भ्य  
ए॒वौष॑धी॒भ्यो वृ॒ष्टि॑नि॒ न॒य॒ति मा॒न्दा वा॒शा इ॒ति सं॒यौ॒ति ना॒म॒धे॒यै॒रे॒वै॒ना  
अ॒च्छै॒त्य॒थो य॒था ब्रू॒या॒द॒सा वे॒ही॒त्ये॒वमे॒वै॒ना ना॒म॒धे॒यै॒रा – [ ] 25

### 2.4.9.3 - Padam

सौ॒म्य॒या । ए॒व । आ॒हु॒त्ये॒त्या – हु॒त्या । दि॒वः । वृ॒ष्टि॑म् । अ॒वे॒ति ।  
रु॒न्धे । म॒धु॒षा । स॒मि॒ति । यौ॒ति । अ॒पा॒म् । वै । ए॒षः । ओ॒ष॒धी॒नाम् ।  
र॒सः । य॒त् । म॒धु । अ॒द्भ्य इ॒त्यत् – भ्यः । ए॒व । ओ॒ष॒धी॒भ्य

इ॒त्यो॒षधि॑ – भ्यः॑ । व॒र्ष॒ति॑ । अथो॒ इति॑ । अ॒द्भ्य॑ इत्यत् – भ्यः॑ ।  
 ए॒व । ओ॒ष॒धी॒भ्य॑ इत्यो॒षधि॑ – भ्यः॑ । वृ॒ष्टि॑म् । नी॒ति॑ । न॒यति॑ ।  
 मा॒न्दाः॑ । वा॒शाः॑ । इति॑ । स॒मि॒ति॑ । यौ॒ति॑ । ना॒म॒धे॒यैरि॑ति॒ नाम॒-धे॒यैः॑ ।  
 ए॒व । ए॒नाः॑ । अ॒च्छ॑ । ए॒ति॑ । अथो॒ इति॑ । यथा॑ । ब्रू॒यात् । अ॒सौ ।  
 ए॒ति॑ । इ॒हि॒ । इति॑ । ए॒वम् । ए॒व । ए॒नाः॑ । ना॒म॒धे॒यैरि॑ति॒ नाम॒-धे॒यैः॑ ।  
 ए॒ति॑ । 25 (50)

#### 2.4.9.4

च्या॒व॒यति॑ वृ॒ष्णो॒ अश्व॑स्य स॒न्दा॒न॒म॒सि॑ वृ॒ष्ट्यै॑ त्वो॒प॒ न॒ह्यामी॑त्या॒ह॒  
 वृ॒षा॒ वा॒ अश्वो॑ वृ॒षा॒ प॒र्जन्यः॑ कृ॒ष्ण॒ इ॒व॒ खलु॑ वै भू॒त्वा व॒र्ष॒ति॑  
 रू॒पे॒णै॒वैन॑ꣳ स॒म॒र्ध॒यति॑ व॒र्ष॒स्या॒ वरु॑द्ध्यै । 26

#### 2.4.9.4 - Padam

च्या॒व॒यति॑ । वृ॒ष्णः॑ । अश्व॑स्य । स॒न्दा॒न॒मि॒ति॑ सं – दा॒न॒म् ।  
 अ॒सि॑ । वृ॒ष्ट्यै॑ । त्वा॒ । उ॒पे॒ति॑ । न॒ह्या॒मि॑ । इति॑ । आ॒ह॒ । वृ॒षा॒ । वै ।  
 अश्वः॑ । वृ॒षा॒ । प॒र्जन्यः॑ । कृ॒ष्णः॑ । इ॒व॒ । खलु॑ । वै । भू॒त्वा ।  
 व॒र्ष॒ति॑ । रू॒पे॒ण॒ । ए॒व॒ । ए॒न॒म् । स॒मि॒ति॑ । अ॒र्ध॒यति॑ ।



व॒र्ष॒स्य॒ । अ॒व॒रु॒द्ध्य॒ इत्य॒व – रु॒ध्यै॒ । 26 (29)

(अ॒ष्टौ – भ॒व॒न्ति – ना॒म॒धे॒यै॒रै – का॒न्न त्रि॒५॒श॒च्च॑) (A9)

#### 2.4.10.1

दे॒वा व॒स॒व्या॒ दे॒वाः श॒र्म॒ण्या॒ दे॒वाः स॒पी॒तय॒ इत्या॒ ब॒ध्ना॒ति  
दे॒वता॑भि॒रे॒वान्व॑हं वृ॒ष्टि॑मिच्छति यदि व॒र्षे॒त्-ता॒व॒त्ये॒व हो॒त॒व्यं॑ यदि॒ न  
व॒र्षे॒च्छ॒वो भू॒ते ह॒वि॒र्नि॒र्व॒पे॒द॒हो॒रा॒त्रे वै मि॒त्रा॒व॒रु॒णा॒व॒हो॒रा॒त्रा॒भ्यां ख॒लु  
वै पर्ज॑न्यो व॒र्ष॒ति न॒क्तं॑ वा॒ हि दि॒वा वा॒ व॒र्ष॒ति मि॒त्रा॒व॒रु॒णा॒वे॒व  
स्वे॒न भा॒ग॒धे॒ये॒नो॒प धा॒व॒ति ता॒वे॒वा॒स्मा – [ ] 27

#### 2.4.10.1 - Padam

दे॒वाः । व॒स॒व्याः॑ । दे॒वाः । श॒र्म॒ण्याः॑ । दे॒वाः । स॒पी॒तय॒ इति॑  
स – पी॒तयः॑ । इति॑ । ए॒ति । ब॒ध्ना॒ति । दे॒वता॑भिः । ए॒व ।  
अ॒न्व॒ह॒मि॒त्य॒नु – अ॒हम् । वृ॒ष्टिम् । इ॒च्छ॒ति । यदि॑ । व॒र्षे॒त् ।  
ता॒व॒ति । ए॒व । हो॒त॒व्यम्॑ । यदि॑ । न । व॒र्षे॒त् । श्वः॑ । भू॒ते । ह॒विः ।  
नि॒रि॒ति । व॒पे॒त् । अ॒हो॒रा॒त्रे इत्य॑हः – रा॒त्रे । वै । मि॒त्रा॒व॒रु॒णा॒वि॒ति  
मि॒त्रा – व॒रु॒णौ । अ॒हो॒रा॒त्रा॒भ्या॒मि॒त्य॑हः – रा॒त्रा॒भ्याम्॑ ।

खलु॑ । वै॑ । पर्जन्यः॑ । वर्षति॑ । नक्तम्॑ । वा॑ । हि॑ । दिवा॑ । वा॑ ।  
 वर्षति॑ । मित्रावरुणाविति॑ मित्रा – वरुणौ॑ । ए॒व । स्वेन॑ ।  
 भा॒ग॒धे॒ये॒नेति॑ भा॒ग – धे॒ये॒न । उ॒पेति॑ । धा॒वति॑ । तौ ।

ए॒व । अ॒स्मै । 27 (50)

#### 2.4.10.2

अ॒हो॒रा॒त्राभ्यां॑ पर्जन्यं॑ वर्ष॑यतो॒ऽग्नये॑ धा॒मच्छदे॑ पु॒रोडा॑शम॒ष्टाक॑पालं  
 निर्व॑पेन्मा॒रुत॑ꣳ स॒प्तक॑पालꣳ सौ॒र्यमे॑क॒कपाल॑म॒ग्निर्वा॑ इतो  
 वृ॒ष्टिमु॑दीरयति म॒रुतः॑ सृ॒ष्टां न॑यन्ति यदा खलु॑ वा अ॒सावा॑दि॒त्यो  
 न्यङ्-र॒श्मिभिः॑ पर्या॒वर्त॑तेऽथ॒वर्ष॑तिधा॒मच्छदि॑व खलु॑ वै भू॒त्वा  
 वर्ष॑त्ये॒ता वै दे॒वता॑ वृष॑ट्या ई॒शते॑ ता ए॒व स्वेन॑ भा॒ग॒धे॒ये॒नोप॑  
 धा॒वति॑ ता – [ ] 28

#### 2.4.10.2 - Padam

अ॒हो॒रा॒त्राभ्यामि॑त्यहः-रा॒त्राभ्याम्॑ । पर्जन्यम्॑ । वर्ष॑यतः । अ॒ग्नये॑ ।  
 धा॒मच्छद॑ इति॑ धा॒म – छदे॑ । पु॒रोडा॑शम् ।  
 अ॒ष्टाक॑पालमि॒त्यष्टा॑ – क॒पालम्॑ । निरि॑ति । व॒पेत् । मा॒रुत॑म् ।

सप्तकपालमिति सप्त – कपालम् । सौर्यम् ।  
 एककपालमित्येक – कपालम् । अग्निः । वै । इतः । वृष्टिम् ।  
 उदिति । ईरयति । मरुतः । सृष्टाम् । नयन्ति । यदा । खलु । वै ।  
 असौ । आदित्यः । न्यङ्ङ् । रश्मिभिरिति रश्मि – भिः ।  
 पर्यावर्तत इति परि – आवर्तते । अथ । वर्षति । धामच्छदिति  
 धाम – छत् । इव । खलु । वै । भूत्वा । वर्षति । एताः । वै ।  
 देवताः । वृष्ट्याः । ईशते । ताः । एव । स्वेन ।  
 भागधेयेनेति भाग – धेयेन । उपेति । धावति । ताः । 28 (50)

#### 2.4.10.3

एवास्मै पर्जन्यं ँवर्षयन्त्युता वर्षिष्यन् वर्षत्येव सृजा वृष्टिं दिव  
 आ\*ऽद्धिः समुद्रं पृणेत्याहेमाश्चैवा-मूश्वापः समर्धयत्यथो आभिरेवा-  
 मूरच्छैत्यब्जा असि प्रथमजा बलमसि समुद्रियमित्याह यथायजुरेवैत-  
 दुन्नं भय पृथिवीमिति वर्षाह्वां जुहोत्येषा वा ( ) ओषधीनां  
 ँवृष्टिवनिस्तयैव वृष्टिमा च्यावयति ये देवा दिविभागा इति  
 कृष्णाजिनमव धूनीतीम एवास्मै लोकाः प्रीता अभीष्टाभवन्ति । 29

**2.4.10.3 - Padam**

ए॒व । अ॒स्मै । प॒र्जन्य॑म् । व॒र्ष॑यन्ति । उ॒त । अ॒व॒र्षि॑ष्यन् ।  
व॒र्ष॑ति । ए॒व । सृ॒ज । वृ॒ष्टि॑म् । दि॒वः । ए॒ति । अ॒द्भिरि॑त्यत् – भिः ।  
स॒मु॒द्र॒म् । पृ॒ण । इ॒ति । आ॒ह । इ॒माः । च । ए॒व । अ॒मूः । च ।  
अ॒पः । स॒मि॒ति । अ॒र्ध॒य॒ति । अ॒थो इ॒ति । आ॒भिः । ए॒व । अ॒मूः ।  
अ॒च्छ । ए॒ति । अ॒ब्जा इ॒त्यप् – जाः । अ॒सि । प्र॒थ॒म॒जा इ॒ति  
प्र॒थ॒म – जाः । ब॒ल॒म् । अ॒सि । स॒मु॒द्रि॒य॒म् । इ॒ति । आ॒ह ।  
य॒था॒य॒जु॒रि॒ति य॒था – य॒जूः । ए॒व । ए॒तत् । उ॒दि॒ति । न॒भ॒य ।  
पृ॒थि॒वी॒म् । इ॒ति । व॒र्षा॑ह्वामि॒ति व॒र्ष – ह्वा॒म् । जु॒हो॒ति । ए॒षा ।  
वै ( ) । ओ॒ष॒धी॒ना॒म् । वृ॒ष्टि॒व॒नि॒रि॒ति वृ॒ष्टि – व॒निः । त॒या । ए॒व ।  
वृ॒ष्टि॒म् । ए॒ति । च्या॒व॒य॒ति । ये । दे॒वाः । दि॒वि॒भा॒गा इ॒ति  
दि॒वि – भा॒गाः । इ॒ति । कृ॒ष्णा॒जि॒न॒मि॒ति कृ॒ष्ण – अ॒जि॒न॒म् ।  
अ॒वे॒ति । धू॒नो॒ति । इ॒मे । ए॒व । अ॒स्मै । लो॒काः । प्री॒ताः ।  
अ॒भी॒ष्टा इ॒त्यभि – इ॒ष्टाः । भ॒व॒न्ति । 29 (71)

(अ॒स्मै – धा॒वति॑ ता – वा – एक॑वि॒ंशति॑श्च ) (A10)

**2.4.11.1**

सर्वा॑णि छन्दा॑स्येतस्या॑-मिष्ट्या॑-मनूच्यानीत्याहु॑-स्त्रिष्टु॑भो वा  
एत॑द्वीर्यं॑ यत् क॒कुदु॑ष्णिहा जग॑त्यै यदु॑ष्णिह-क॒कुभा॑वन्वाह  
तेनै॒व सर्वा॑णि छन्दा॑स्यव रुन्धे गाय॑त्री वा एषा यदु॑ष्णिहा यानि॑  
चत्वार्य॑ध्यक्षराणि॑ चतु॑ष्पाद ए॒व ते प॒शवो॑यथा पुरो॒डाशे॑  
पुरो॒डाशोऽध्ये॒वमे॒व तद्-यद्-ऋ॒च्यध्य॑क्षराणि॑ यज्जग॑त्या – [ ] 30

**2.4.11.1 - Padam**

सर्वा॑णि । छन्दा॑सि॑ । ए॒तस्या॑म् । इष्ट्या॑म् ।  
अ॒नूच्या॑नीत्यनु॑ – उ॒च्यानि॑ । इति॑ । आ॒हुः । त्रि॒ष्टुभः॑ । वै । ए॒तत् ।  
वी॒र्यम्॑ । यत् । क॒कुत् । उ॒ष्णिहा॑ । जग॑त्यै । यत् ।  
उ॒ष्णिह॑क॒कुभा॑वित्यु॒ष्णिह॑ – क॒कुभौ॑ । अ॒न्वाहे॑त्यनु॑ – आ॒ह । तेन॑ ।  
ए॒व । सर्वा॑णि । छन्दा॑सि॑ । अ॒वेति॑ । रुन्धे॑ । गा॒यत्री॑ । वै । ए॒षा ।  
यत् । उ॒ष्णिहा॑ । या॒नि । च॒त्वारि॑ । अधी॑ति । अ॒क्षरा॑णि । चतु॑ष्पाद  
इति॑ चतुः – पा॒दः । ए॒व । ते । प॒शवः॑ । यथा॑ । पुरो॒डाशे॑ ।

पुरो॒डाशः॑ । अधी॒ति । ए॒वम् । ए॒व । तत् । यत् । ऋ॒चि । अधी॒ति ।

अक्ष॑राणि । यत् । जग॑त्या । 30 (50)

**2.4.11.2**

परि॒द॒ध्याद॑न्तं य॒ज्ञं ग॑मयेत् त्रि॒ष्टुभा॑ परि॒ दधा॑तीन्द्रि॒यं वै वी॒र्यं॑  
त्रि॒ष्टुगिन्द्रि॒य ए॒व वी॒र्यं॑ य॒ज्ञं प्र॑तिष्ठापयति नान्तं गमयत्यग्ने  
त्री ते वाजि॑ना त्री ष॒धस्थे॑ति त्रि॒वत्या॑ परि॒ दधा॑ति सरू॒पत्वा॑य सर्वो॒ वा  
ए॒ष य॒ज्ञो यत् त्रै॑धा॒तवी॑यं का॒माय॑-का॒माय॑ प्रयु॒ज्यते॑ सर्वे॒भ्यो॑ हि  
का॒मे॒भ्यो॑ य॒ज्ञः प्र॑यु॒ज्यते॑ त्रै॑धा॒तवी॑येन यजेताभिचरन्थ्

सर्वो॒ वा- [ ] 31

**2.4.11.2 - Padam**

परि॒द॒ध्यादि॑ति परि - द॒ध्यात् । अ॒न्तम् । य॒ज्ञम् । ग॑मयेत् । त्रि॒ष्टुभा॑ ।  
परी॑ति । द॒धाति॑ । इन्द्रि॒यम् । वै । वी॒र्यम्॑ । त्रि॒ष्टुक् । इन्द्रि॒ये । ए॒व ।  
वी॒र्यम्॑ । य॒ज्ञम् । प्र॑तीति । स्थापयति । न । अ॒न्तम् । ग॑मयति ।  
अग्ने॑ । त्री । ते । वाजि॑ना । त्री । स॒धस्थे॑ति स॒ध - स्था । इति॑ ।  
त्रि॒वत्ये॑ति त्रि - व॒त्या । परी॑ति । द॒धाति॑ । सरू॒पत्वा॑येति

सरूप – त्वाय । सर्वः । वै । एषः । यज्ञः । यत् । त्रैधातवीयम् ।  
 कामाय कामायेति कामाय – कामाय । प्रेति । युज्यते । सर्वेभ्यः ।  
 हि । कामेभ्यः । यज्ञः । प्रयुज्यत इति प्र – युज्यते । त्रैधातवीयेन ।  
 यजेत । अभिचरन्नित्यभि – चरन् । सर्वः । वै । 31(50)

### 2.4.11.3

एष यज्ञो यत् त्रैधातवीयं सर्वेणैवैनं यज्ञेनाभि चरति स्तृणुत  
 एवैनमेतयैव यजेताभिचर्यमाणः सर्वो वा एष यज्ञो यत् त्रैधातवीयं  
 सर्वेणैव यज्ञेन यजते नैनमभिचरन्त् स्तृणुत एतयैव यजेत सहस्रेण  
 यक्ष्यमाणः प्रजातमेवैनद्-ददात्येतयैव यजेत सहस्रेणेजानोऽन्तं वा  
 एष पशूनां गच्छति – [ ] 32

### 2.4.11.3 - Padam

एषः । यज्ञः । यत् । त्रैधातवीयम् । सर्वेण । एव । एनम् । यज्ञेन ।  
 अभीति । चरति । स्तृणुते । एव । एनम् । एतया । एव । यजेत ।  
 अभिचर्यमाण इत्यभि-चर्यमाणः । सर्वः । वै । एषः । यज्ञः । यत् ।  
 त्रैधातवीयम् । सर्वेण । एव । यज्ञेन । यजते । न । एनम् ।

अ॒भि॒च॒र॒न्नि॒त्य॒भि॒ – च॒र॒न् । स्तृ॒णु॒ते । ए॒तया॑ । ए॒व । य॒जे॒त ।  
सह॒स्रे॒ण । य॒क्ष्य॒मा॒णः । प्र॒जा॒त॒मि॒ति॒ प्र – जा॒तम् । ए॒व । ए॒न॒त् ।  
द॒दा॒ति॒ । ए॒तया॑ । ए॒व । य॒जे॒त । सह॒स्रे॒ण । ई॒जा॒नः । अ॒न्त॒म् । वै ।  
ए॒षः । प॒शूना॑म् । ग॒च्छ॒ति॒ । 32 (50)

#### 2.4.11.4

यः सह॒स्रे॒ण य॒ज॒ते प्र॒जा॒प॒तिः ख॒लु वै प॒शून्सृ॒ज॒त  
ता॒ऽस्त्रै॒धा॒त॒वी॒र्ये॒ – नै॒वा॒सृ॒ज॒त य॒ एवं॑ वि॒द्वान् स्त्रै॒धा॒त॒वी॒र्ये॒न प॒शु॒का॒मो  
य॒ज॒ते य॒स्मा॒दे॒व यो॒नैः॑ प्र॒जा॒प॒तिः प॒शून्सृ॒ज॒त त॒स्मा॒दे॒वै॒रान्थ् सृ॒ज॒त  
उ॒पै॒न॒मु॒त्तर॑ सह॒स्रं॑ न॒म॒ति दे॒वता॑भ्यो वा ए॒ष आ वृ॒श्च्य॒ते यो य॒क्ष्य  
इ॒त्यु॒क्त्वा न य॒ज॒ते त्रै॒धा॒त॒वी॒र्ये॒न य॒जे॒त सर्वा॑ वा ए॒ष य॒ज्ञो – [ ] 33

#### 2.4.11.4 - Padam

यः । सह॒स्रे॒ण । य॒ज॒ते । प्र॒जा॒प॒ति॒रि॒ति॒ प्र॒जा – प॒तिः । ख॒लु । वै ।  
प॒शून् । अ॒सृ॒ज॒त । तान् । त्रै॒धा॒त॒वी॒र्ये॒न । ए॒व । अ॒सृ॒ज॒त ।  
यः । ए॒वम् । वि॒द्वान् । त्रै॒धा॒त॒वी॒र्ये॒न । प॒शु॒का॒म इति॑ प॒शु – का॒मः ।  
य॒ज॒ते । य॒स्मा॒त् । ए॒व । यो॒नैः॑ । प्र॒जा॒प॒ति॒रि॒ति॒ प्र॒जा – प॒तिः । प॒शून् ।



अ॒सृ॒जत॑ । तस्मा॑त् । ए॒व । ए॒नान् । सृ॒जते॑ । उपे॑ति । ए॒नम् ।  
उत्तर॑मित्युत् – तर॑म् । स॒हस्र॑म् । न॒मति॑ । दे॒वता॑भ्यः । वै । ए॒षः ।  
ए॒ति । वृ॒श्च्यते॑ । यः । य॒क्ष्ये । इति॑ । उ॒क्त्वा । न । य॒जते॑ ।  
त्रै॒धात॑वीयेन । य॒जेत॑ । सर्वः॑ । वै । ए॒षः । य॒ज्ञः । 33 (50)

#### 2.4.11.5

यत् त्रै॒धात॑वीयꣳ सर्वे॑णैव य॒ज्ञेन॑ य॒जते॑ न दे॒वता॑भ्य आ वृ॒श्च्यते॑  
द्वा॒दश॑कपालः पु॒रोडा॑शो भवति॑ ते त्रयश्चतु॑ष्कपाला-स्त्रि॒ष्षमृ॑द्धत्वाय  
त्रयः॑ पु॒रोडा॑शा भवन्ति॑ त्रय॑ इमे लो॒का ए॒षां लो॒काना॑माप्त्या  
उत्तर॑-उत्तरो॒ ज्याया॑न् भवत्ये॒वमि॑व हीमे लो॒का य॒वम॑यो मध्य॑ एत॒द्वा  
अन्तरि॑क्षस्य रू॒पꣳ स॒मृद्ध्यै॑ सर्वे॑षामभि॒गम॑यन्नव द्यत्य॑छं॒बट्कारꣳ  
हि॒रण्यं॑ ददाति॑ तेज॑ ए॒वा - [ ] 34

#### 2.4.11.5 - Padam

यत् । त्रै॒धात॑वीयम् । सर्वे॑ण । ए॒व । य॒ज्ञेन॑ । य॒जते॑ । न ।  
दे॒वता॑भ्यः । ए॒ति । वृ॒श्च्यते॑ । द्वा॒दश॑कपाल इति॑ द्वा॒दश-क॑पालः ।  
पु॒रोडा॑शः । भवति॑ । ते । त्रयः॑ । चतु॑ष्कपाला इति॑ चतुः-क॑पालाः ।

त्रि॒ष्व॒मृ॒द्ध॒त्वा॒ये॒ति॒ त्रि॒ष्व॒मृ॒द्ध॒ – त्वा॒य॒ । त्र॒यः॑ । पु॒रो॒डा॒शाः॑ ।  
भ॒व॒न्ति॑ । त्र॒यः॑ । इ॒मे । लो॒काः॑ । ए॒षाम् । लो॒का॒ना॒म् । आ॒प्त्यै॑ ।  
उ॒त्तर॑ उ॒त्तर॑ इ॒त्यु॒त्तर॑-उ॒त्तरः॑ । ज्य॒या॒यान् । भ॒व॒ति॑ । ए॒वम् । इ॒व । हि॒ ।  
इ॒मे । लो॒काः॑ । य॒व॒म॒य॒ इति॑ य॒व – म॒यः॑ । म॒ध्यै॑ । ए॒तत् । वै ।  
अ॒न्त॒रि॒क्ष॒स्य॑ । रू॒पम् । स॒मृ॒द्ध्य॒ इति॑ सं – ऋ॒द्ध्यै॑ । स॒र्वे॒षाम् ।  
अ॒भि॒ग॒म॒य॒न्नित्य॑भि – ग॒म॒य॒न् । अ॒वे॒ति॑ । द्य॒ति॑ ।  
अ॒छं॒ब॒ट्का॒र॒मित्य॑छं॒ब॒ट् – का॒रम् । हि॒र॒ण्य॒म् । द॒दा॒ति॑ ।  
ते॒जः॑ । ए॒व । 34 (50)

#### 2.4.11.6

ऽव॑ रु॒न्धे ता॒र्प्यं॑ द॒दा॒ति॑ प॒शू॒ने॒वा॒व रु॒न्धे धे॒नुं द॒दा॒त्या॒शि॒ष॑  
ए॒वा॒व रु॒न्धे सा॒म्नो॒ वा ए॒ष व॒र्णो॒ य॒द्धि॒र॒ण्यं॑ य॒जु॒षां॑ ता॒र्प्य॑मु॒क्त्वा॒म॒दा॒नां॑  
धे॒नुरे॒ताने॒व स॒र्वान्॑ व॒र्णान॑व रु॒न्धे । 35

#### 2.4.11.6 - Padam

अ॒वे॒ति॑ । रु॒न्धे । ता॒र्प्य॑म् । द॒दा॒ति॑ । प॒शून् । ए॒व । अ॒वे॒ति॑ ।  
रु॒न्धे । धे॒नुम् । द॒दा॒ति॑ । आ॒शि॒ष इ॒त्या॑ – शि॒षः॑ । ए॒व । अ॒वे॒ति॑ ।

रुन्धे । साम्नः । वै । एषः । वर्णः । यत् । हिरण्यम् । यजुषाम् ।  
 तार्प्यम् । उक्थामदानामित्युक्थ – मदानाम् । धेनुः । एतान् । एव ।  
 सर्वान् । वर्णान् । अवेति । रुन्धे । 35 (30)

(जगत्या – ऽभिचरन्त् सर्वो वै – गच्छति – यज्ञ – स्तेज एव –  
 त्रिंशच्च) (A11)

#### 2.4.12.1

त्वष्टा हतपुत्रो वीन्द्रः सोममाऽहरत् तस्मिन्निन्द्र उपहवमैच्छत्  
 तं नोपाह्वयत् पुत्रं मेऽवधीरिति स यज्ञवेशसं कृत्वा प्रासहा  
 सोममपिबत् तस्य यदत्यशिष्यत् तत् त्वष्टाऽऽहवनीयमुप प्रावर्तयत्  
 स्वाहेन्द्रशत्रुर्वर्धस्वेति स यावदूर्ध्वः पराविध्यति तावति स्वयमेव  
 व्यरमत यदि वा तावत् प्रवण – [ ] 36

#### 2.4.12.1 - Padam

त्वष्टा । हतपुत्र इति हत – पुत्रः । वीन्द्रमिति वि – इन्द्रम् ।  
 सोमम् । ऐति । अहरत् । तस्मिन् । इन्द्रः । उपहवमित्युप – हवम् ।  
 ऐच्छत् । तम् । न । उपेति । अह्वयत् । पुत्रम् । मे । अवधीः ।

इति । सः । य॒ज्ञ॒वे॒श॒स॒मि॒ति॒ य॒ज्ञ॒ – वे॒श॒स॒म् । कृ॒त्वा ।  
 प्रा॒स॒हे॒ति॒ प्र – स॒हा । सो॒म॒म् । अ॒पि॒ब॒त् । त॒स्य॒ । य॒त् ।  
 अ॒त्य॒शि॒ष्य॒ते॒त्य॒ति॒ – अ॒शि॒ष्य॒त॒ । त॒त् । त्व॒ष्टा ।  
 आ॒ह॒व॒नी॒य॒मि॒त्या॒ – ह॒व॒नी॒य॒म् । उप॒ । प्रे॒ति॒ । अ॒व॒र्त॒य॒त् । स्वा॒हा॒ ।  
 इ॒न्द्र॒श॒त्रु॒रि॒ती॒न्द्र॒ – श॒त्रुः॒ । वर्ध॒स्व॒ । इति॒ । सः । या॒व॒त् । ऊ॒र्ध्वः॒ ।  
 प॒रा॒वि॒ध्य॒ती॒ति॒ प॒रा – वि॒ध्य॒ति॒ । ता॒व॒ति॒ । स्व॒य॒म् । ए॒व । वी॒ति॒ ।  
 अ॒र॒म॒त॒ । य॒दि॒ । वा॒ । ता॒व॒त् । प्र॒व॒ण॒मि॒ति॒ प्र – व॒न॒म् । 36 (50)

#### 2.4.12.2

–मा॒सी॒द्य॒दि॒ वा॒ ता॒व॒द॒ध्य॒ग्ने॒रा॒सी॒थ् स॒ सं॒भ॒व॒न्न॒ग्नी॒षो॒मा॒व॒भि॒  
 स॒म॒भ॒व॒थ् स॒ इ॒षु॒मा॒त्र॒मि॒षु॒मा॒त्रं॒ वि॒ष्व॒ङ्गु॒व॒र्ध॒त॒ स॒ इ॒मां॒  
 लो॒का॒न॒वृ॒णो॒द्य॒–दि॒मां॒ लो॒का॒न॒वृ॒णो॒त् तद्–वृ॒त्र॒स्य॒  
 वृ॒त्र॒त्वं॒ तस्मा॒दि॒न्द्रो॒ऽबि॒भे॒द॒पि॒ त्व॒ष्टा॒ तस्मै॒ त्व॒ष्टा॒ व॒ज्र॒म॒सि॒ञ्च॒त् तपो॒  
 वै स॒ व॒ज्र॒ आ॒सी॒त् तमु॒द्य॒न्तुं॒ ना॒श॒क्नो॒दथ॒ वै तर्॒हि॒ वि॒ष्णु॒ – [ ] 37

**2.4.12.2 - Padam**

आसीत् । यदि । वा । तावत् । अधीति । अग्नेः । आसीत् । सः ।  
संभवन्निति सं – भवन् । अग्नीषोमावित्यग्नी – सोमौ । अभि ।  
समिति । अभवत् । सः । इषुमात्रमिषुमात्रमितीषुमात्रं – इषुमात्रम् ।  
विष्वङ् । अवर्धत । सः । इमान् । लोकान् । अवृणोत् । यत् ।  
इमान् । लोकान् । अवृणोत् । तत् । वृत्रस्य । वृत्रत्वमिति  
वृत्र – त्वम् । तस्मात् । इन्द्रः । अबिभेत् । अपीति । त्वष्टा । तस्मै ।  
त्वष्टा । वज्रम् । असिञ्चत् । तपः । वै । सः । वज्रः । आसीत् ।  
तम् । उद्यन्तुमित्युत् – यन्तुम् । न । अशक्नोत् । अथ । वै ।  
तर्हि । विष्णुः । 37 (50)

**2.4.12.3**

–रन्या देवता ऽऽसीथ् सौऽब्रवीद्–विष्णवेहीदमा हरिष्यावो  
येनायमिदमितिस विष्णुस्त्रेधाऽऽत्मानं विन्यधत्त पृथिव्यां  
तृतीयमन्तरिक्षे तृतीयं दिवि तृतीय–मभिपर्यावर्ताद्–ह्यबिभेद्यत्–  
पृथिव्यां तृतीयमासीत् तेनेन्द्रो वज्रमुदयच्छद्–विष्ण्वनुस्थितः

सोऽब्रवीन्मा मे प्र हारस्ति वा इदं – [ ] 38

**2.4.12.3 - Padam**

अ॒न्या । दे॒वता॑ । आ॒सीत् । सः । अ॒ब्रवीत् । वि॒ष्णो॑ । ए॒ति॑ । इ॒हि॒ ।  
इ॒दम् । ए॒ति॑ । ह॒रि॒ष्या॒वः । ये॒न॑ । अ॒यम् । इ॒दम् । इ॒ति॑ । सः ।  
वि॒ष्णुः॑ । त्रे॒धा । आ॒त्मान॑म् । वि॒ । नी॒ति॑ । अ॒धत्त॑ । पृ॒थि॒व्याम् ।  
तृ॒ती॒यम् । अ॒न्तरि॑क्षे । तृ॒ती॒यम् । दि॒वि॒ । तृ॒ती॒यम् ।  
अ॒भि॒पर्या॑वर्तादित्य॒भि॒ – पर्या॑वर्तात् । हि॒ । अ॒बि॒भेत् । यत् ।  
पृ॒थि॒व्याम् । तृ॒ती॒यम् । आ॒सीत् । ते॒न॑ । इ॒न्द्रः॑ । व॒ज्रम् ।  
उ॒दि॒ति॑ । अ॒यच्छ॑त् । वि॒ष्णु॑व॒नु॒स्थित॑ इति वि॒ष्णु॑ – अ॒नु॒स्थितः॑ । सः ।  
अ॒ब्रवीत् । मा । मे॒ । प्रे॒ति॑ । हाः॑ । अ॒स्ति॑ । वै । इ॒दम् । 38 (50)

**2.4.12.4**

म॒यि॑ वी॒र्यं॑ तत् ते प्र॒दा॒स्यामी॑ति तद॒स्मै॑ प्रा॒यच्छ॑त् तत् प्र॒त्य॒गृ॒ह्णा॒दधा॑  
मे॒ति॑ तद्-वि॒ष्णवे॑ति प्रा॒यच्छ॑त् तद्-वि॒ष्णुः॑ प्र॒त्य॒गृ॒ह्णा॒दस्मा॑स्वि॒न्द्र  
इ॒न्द्रि॒यं द॑धा॒त्विति॑ यद॒न्तरि॑क्षे तृ॒ती॒यमा॑सीत् ते॒नेन्द्रो॑ व॒ज्रमु॑द॒यच्छ॑द्-  
वि॒ष्णु॑व॒नु॒स्थितः॑ सोऽब्रवीन्मा मे प्र॒हार॑स्ति वा इदं – [ ] 39

**2.4.12.4 - Padam**

मयि॑ । वी॒र्य॑म् । तत् । ते॒ । प्रेति॑ । दा॒स्या॒मि॒ । इति॑ । तत् । अ॒स्मै॒ ।  
प्रेति॑ । अ॒यच्छत्॑ । तत् । प्र॒तीति॑ । अ॒गृह्णा॑त् । अधाः॑ । मा॒ । इति॑ ।  
तत् । वि॒ष्णवे॑ । अति॑ । प्रेति॑ । अ॒यच्छत्॑ । तत् । वि॒ष्णुः॑ । प्र॒तीति॑ ।  
अ॒गृह्णा॑त् । अ॒स्मासु॑ । इन्द्रः॑ । इन्द्रि॑यम् । दधा॑तु । इति॑ । यत् ।  
अ॒न्तरि॑क्षे । तृ॒तीयम्॑ । आसी॑त् । तेन॑ । इन्द्रः॑ । वज्र॑म् । उ॒दिति॑ ।  
अ॒यच्छत्॑ । वि॒ष्ण्वनु॑स्थित इति॑ वि॒ष्णु – अ॒नुस्थि॑तः । सः ।  
अ॒ब्रवी॑त् । मा॒ । मे॒ । प्रेति॑ । हाः॑ । अ॒स्ति॑ । वै । इ॒दम् । 39 (50)

**2.4.12.5**

मयि॑ वी॒र्यं॑ तत् ते॒ प्र दा॒स्यामी॑ति तद॒स्मै प्रा॑यच्छत् तत् प्रत्य॑गृह्णाद्  
द्विर्मा॑ऽधा इति॑ तद्-वि॒ष्णवे॑ऽति प्रा॑यच्छत् तद्-वि॒ष्णुः॑  
प्रत्य॑गृह्णाद॒स्मास्वि॑न्द्र इन्द्रि॑यं दधा॑त्विति॒ यद्वि॑वि तृ॒तीय॑मासीत् तेनेन्द्रो॑  
वज्र॑मुदयच्छद्-वि॒ष्ण्वनु॑स्थितः सोऽब्र॑वीन्मा॒ मे प्र॑हार्ये॒नाह॑ – [ ] 40

**2.4.12.5 - Padam**

मयि॑ । वी॒र्यम् । तत् । ते । प्रेति॑ । दा॒स्यामि॑ । इति॑ । तत् । अ॒स्मै ।  
प्रेति॑ । अ॒यच्छत् । तत् । प्र॒तीति॑ । अ॒गृह्णात् । द्विः । मा । अ॒धाः ।  
इति॑ । तत् । वि॒ष्णवे॑ । अति॑ । प्रेति॑ । अ॒यच्छत् । तत् । वि॒ष्णुः ।  
प्र॒तीति॑ । अ॒गृह्णात् । अ॒स्मासु॑ । इन्द्रः॑ । इन्द्रि॒यम् । द॒धातु॑ । इति॑ ।  
यत् । दि॒वि । तृ॒तीयम् । आसीत्॑ । तेन॑ । इन्द्रः॑ । वज्रम् । उ॒दिति॑ ।  
अ॒यच्छत् । वि॒ष्ण्वनु॑स्थित इति वि॒ष्णु - अ॒नुस्थि॑तः । सः ।  
अ॒ब्रवीत् । मा । मे । प्रेति॑ । हाः । येन॑ । अ॒हम् । 40 (50)

**2.4.12.6**

– मि॒दमस्मि॑ तत् ते॒ प्र॒दा॒स्यामीति॑ त्वी(३) इत्य॑ब्रवीथ् स॒न्धां तु  
स॒न्दधा॑वहै त्वा॒मेव॑ प्र॒विशानी॑ति यन्मां प्र॒विशेः॑ किं मा भु॒ञ्ज्या  
इत्य॑ब्रवीत् त्वा॒मेवे॒न्धीय॑ तव॒ भो॒गाय॑ त्वां प्र॒विशे॑यमित्य॑ब्रवीत् तं वृ॒त्रः  
प्रा॒विश॑दु॒दरं॑ वै वृ॒त्रः क्षुत् खलु॑ वै म॒नुष्य॑स्य भ्रातृ॒व्यो य - [ ] 41



**2.4.12.6 - Padam**

इ॒दम् । अ॒स्मि॑ । तत् । ते । प्रे॒ति॑ । दा॒स्या॒मि॑ । इति॑ । त्वी(३) । इति॑ ।  
अ॒ब्रवी॑त् । सं॒धा॒मि॒ति॑ सं - धाम् । तु । स॒मि॒ति॑ । द॒धा॒व॒है॑ । त्वा॒म् ।  
ए॒व । प्रे॒ति॑ । वि॒शा॒नि॑ । इति॑ । यत् । मा॒म् । प्र॒वि॒शे॒रि॒ति॑ प्र - वि॒शेः॑ ।  
कि॒म् । मा । भु॒ञ्ज्याः॑ । इति॑ । अ॒ब्रवी॑त् । त्वा॒म् । ए॒व । इ॒न्धी॒य॑ ।  
तव॑ । भो॒गा॒य॑ । त्वा॒म् । प्रे॒ति॑ । वि॒शे॒य॒म् । इति॑ । अ॒ब्रवी॑त् । तम् ।  
वृ॒त्रः॑ । प्रे॒ति॑ । अ॒वि॒श॒त् । उ॒दर॑म् । वै । वृ॒त्रः॑ । क्षु॒त् । ख॒लु॑ । वै ।  
म॒नु॒ष्य॑स्य । भ्रा॒तृ॒व्यः॑ । यः । 41 (50)

**2.4.12.7**

ए॒वं॑ वे॒द॒ ह॒न्ति॑ क्षु॒धं॑ भ्रा॒तृ॒व्यं॑ तद॒स्मै॑ प्रा॒य॒च्छ॒त्त॒त् प्र॒त्य॒गृ॒ह्णा॒त् -  
त्रि॒मा॒ऽधा॑ इति॑ तद् - वि॒ष्ण॒वे॒ति॑ प्रा॒य॒च्छ॒त् तद् - वि॒ष्णुः॑  
प्र॒त्य॒गृ॒ह्णा॒द॒स्मा॒स्वि॒न्द्र॑ इ॒न्द्रि॒यं॑ द॒धा॒त्विति॑ य॒त्रिः॑ प्रा॒य॒च्छ॒त् त्रिः॑  
प्र॒त्य॒गृ॒ह्णा॒त् तत् त्रि॒धा॒तो॒स्त्रि॒धा॒तु॒त्वं॑ यद् - वि॒ष्णु॒र॒न्व॒ति॒ष्ठ॒त् वि॒ष्ण॒वे॒ति॑  
प्रा॒य॒च्छ॒त् तस्मा॑दै॒न्द्रा॒वै॒ष्ण॒व॑ ह॒वि॒र्भ॒व॒ति॑ ( ) यद्वा॑ इ॒दं॑ किञ्च॑ तद॒स्मै॑  
तत् प्रा॒य॒च्छ॒द् ऋ॒चः॑ सा॒मा॒नि॑ यजू॑षि॒ सह॒स्रं॑ वा॒ अ॒स्मै॑ तत्

प्रायच्छत् तस्मात् सहस्रदक्षिणं । 42

**2.4.12.7 - Padam**

एवम् । वेद । हन्ति । क्षुधम् । भ्रातृव्यम् । तत् । अस्मै । प्रेति ।  
अयच्छत् । तत् । प्रतीति । अगृह्णात् । त्रिः । मा । अधाः । इति ।  
तत् । विष्णवे । अति । प्रेति । अयच्छत् । तत् । विष्णुः । प्रतीति ।  
अगृह्णात् । अस्मासु । इन्द्रः । इन्द्रियम् । दधातु । इति । यत् ।  
त्रिः । प्रेति । अयच्छत् । त्रिः । प्रत्यगृह्णादिति प्रति – अगृह्णात् ।  
तत् । त्रिधातोरिति त्रि – धातौः । त्रिधातुत्वमिति त्रिधातु – त्वम् ।  
यत् । विष्णुः । अन्वतिष्ठतेत्यनु – अतिष्ठत । विष्णवे । अति । प्रेति ।  
अयच्छत् । तस्मात् । ऐन्द्रावैष्णवमित्यैन्द्रा – वैष्णवम् । हविः ।  
भवति ( ) । यत् । वै । इदम् । किम् । च । तत् । अस्मै । तत् ।  
प्रेति । अयच्छत् । ऋचः । सामानि । यजूंषि । सहस्रम् । वै ।  
अस्मै । तत् । प्रेति । अयच्छत् । तस्मात् ।  
सहस्रदक्षिणमिति सहस्र – दक्षिणम् । 42 (71)

(प्रव॑णं – वि॒ष्णु- वा॒ इ॒द- मि॒द – म॒हं – यौ – भ॒व –  
त्ये॒क॑ वि॒श्र॑तिश्च) (A12)

**2.4.13.1**

दे॒वा वै रा॒ज॒न्या-ज्जा॑यमा॒ना-द॒बि॒भ॒यु-स्त॒म॒न्त॒रे॒व स॒न्तं दा॒म्ना  
ऽपौ॑म्भन्त् स॒ वा ए॒षोऽपौ॑ब्धो जा॒यते॑ यद्-रा॒ज॒न्यो यद्वा ए॒षोऽन॑पोब्धो  
जा॒येत॑ वृ॒त्रान् घ्न॑श्च॒ श्रे॒द्यं का॒मये॑त रा॒ज॒न्यम॑नपोब्धो जा॒येत॑ वृ॒त्रान्  
घ्न॑श्च॒ श्रे॒दि॒ति तस्मा॑ ए॒तमै॑न्द्रा बा॒र्ह॒स्प॒त्यं च॒रुं निर्व॑पेदैन्द्रो वै  
रा॒ज॒न्यो ब्र॒ह्म बृ॒ह॒स्प॒ति ब्र॒ह्म॒णै॒वैनं॑ ( ) दा॒म्नोऽपौ॑भ॒नान् मुञ्च॑ति  
हि॒र॒ण्म॒यं दा॒म द॒क्षि॒णा सा॒क्षादे॑वैनं दा॒म्नोऽपौ॑भ॒नान् मुञ्च॑ति । 43

**2.4.13.1 - Padam**

दे॒वाः । वै । रा॒ज॒न्यात् । जा॑यमा॒नात् । अ॒बि॒भ॒युः । तम् । अ॒न्तः ।  
ए॒व । स॒न्तम् । दा॒म्ना । अ॒पे॒ति । औ॒भ॒न् । सः । वै । ए॒षः ।  
अ॒पौ॑ब्ध इ॒त्यप॑- उ॒ब्धः । जा॑यते । यत् । रा॒ज॒न्यः । यत् । वै ।  
ए॒षः । अ॒न॒पो॒ब्ध इ॒त्यन॑प - उ॒ब्धः । जा॑येत । वृ॒त्रान् । घ्न॑न् ।  
च॒रेत् । यम् । का॒मये॑त । रा॒ज॒न्यम् । अ॒न॒पो॒ब्ध इ॒त्यन॑प - उ॒ब्धः ।

जा॒येत॑ । वृ॒त्रान् । घ्नन् । च॒रेत् । इति॑ । तस्मै॑ । ए॒तम् ।  
 ऐ॒न्द्रा॒बा॒र्ह॒स्प॒त्य॒मि॒त्यै॒न्द्रा॒-बा॒र्ह॒स्प॒त्य॒म् । च॒रुम् । नि॒रि॒ति॑ । व॒पेत् ।  
 ऐ॒न्द्रः । वै । रा॒ज॒न्यः । ब्र॒ह्म । बृ॒ह॒स्प॒तिः । ब्र॒ह्म॒णा । ए॒व ।  
 ए॒नम् ( ) । दा॒म॒नः । अ॒पो॒भ॒ना॒दि॒त्य॒प-उं॒भ॒ना॒त् । मु॒ञ्च॒ति॑ ।  
 हि॒र॒ण्म॒य॒म् । दा॒म॒ । दक्षि॑णा । सा॒क्षा॒दि॒ति॑ स-अ॒क्षा॒त् । ए॒व । ए॒नम् ।  
 दा॒म॒नः । अ॒पो॒भ॒ना॒दि॒त्य॒प - उं॒भ॒ना॒त् । मु॒ञ्च॒ति॑ । 43 (62)

(ए॒नं - द्वा॒द॒श च) (A13)

#### 2.4.14.1

न॒वो॒न॒वो भ॒व॒ति जा॒य॒मा॒नोऽ॒ह्नां॑ के॒तु॒रु॒ष॒सा मे॒त्य॒ग्रे॑ ।  
 भा॒गं दे॒वे॒भ्यो वि॒द॒धा॒त्या॒यन् प्र॒च॒न्द्र॒मा॒स्ति॒र॒ति दी॒र्घ॒मा॒युः॑ ।  
 य॒मा॒दि॒त्या अ॒ञ्शु॒मा॒प्या॒य॒य॒न्ति॑ य॒म॒क्षि॒त-म॒क्षि॒त॒यः पि॒ब॒न्ति॑ ।  
 ते॒न नो॑ रा॒जा व॒रु॒णो बृ॒ह॒स्प॒ति॒रा प्या॒य॒य॒न्तु॑ भु॒व॒न॒स्य गो॒पाः ।  
 प्रा॒च्यां दि॒शि त्व॒मि॒न्द्रा॒सि रा॒जो॒तो॒दी॒च्यां वृ॒त्र॒हन् वृ॒त्र॒हा॒सि॑ ।  
 यत्र॑ य॒न्ति॑ स्रो॒त्या॒स्त - [ ] 44

**2.4.14.1 - Padam**

नवो॑नव॒ इति॑ नवः॑ – नवः॑ । भव॑ति । जा॒य॒मा॒नः॑ । अ॒ह्ना॑म् । के॒तुः॑ ।  
उ॒ष॒सा॑म् । ए॒ति॑ । अ॒ग्रे॑ । भा॒ग॒म् । दे॒वेभ्यः॑ । वी॒ति॑ । द॒धा॒ति॑ ।  
आ॒य॒न्नि॒त्या – य॒न् । प्रे॒ति॑ । च॒न्द्र॒माः॑ । ति॒र॒ति॑ । दी॒र्घ॒म् । आ॒युः॑ ।  
य॒म् । आ॒दि॒त्याः॑ । अ॒ञ्शु॑म् । आ॒प्या॒य॒य॒न्ती॒त्या – प्या॒य॒य॒न्ति॑ । य॒म् ।  
अ॒क्षि॒त॒म् । अ॒क्षि॒त॒यः॑ । पि॒ब॒न्ति॑ । ते॒न॑ । नः॑ । रा॒जा॑ । व॒रु॒णः॑ ।  
बृ॒ह॒स्प॒तिः॑ । ए॒ति॑ । प्या॒य॒य॒न्तु॑ । भु॒व॒न॒स्य॑ । गो॒पा इति॑ गो – पाः॑ ।  
प्रा॒च्या॑म् । दि॒शि॑ । त्व॒म् । इ॒न्द्र॑ । अ॒सि॑ । रा॒जा॑ । उ॒त॑ । उ॒दी॒च्या॑म् ।  
वृ॒त्र॒ह॒न्नि॒ति॑ वृ॒त्र – ह॒न् । वृ॒त्र॒हे॒ति॑ वृ॒त्र – हा॑ । अ॒सि॑ ।  
य॒त्र॑ । य॒न्ति॑ । स्रो॒त्याः॑ । तत् । 44 (50)

**2.4.14.2**

–ज्जि॒तं ते॑ दक्षि॒णतो॑ वृ॒ष॒भ ए॒धि ह॒व्यः॑ ।  
इ॒न्द्रो॑ ज॒या॒ति न॑ प॒रा ज॒या॒ता अ॒धि॒रा॒जो रा॒ज॒सु रा॒ज॒या॒ति॑ ।  
वि॒श्वा हि॑ भू॒याः पृ॒त॒ना अ॒भि॒ष्टी॒रुप॑स॒द्यो न॒म॒स्यो॑ य॒थाऽस॑त् ।  
अ॒स्ये॒दे॒व प्र॑रि॒रि॒चे म॒हि॒त्वं दि॒वः पृ॒थि॒व्याः प॑र्य॒न्त॒रि॒क्षात्॑ ।

स्वराडिन्द्रो दम आ विश्वगूर्तः स्वरिरमत्रो ववक्षे रणाय ।

अभि त्वा शूर नोनुमोऽदुग्धा इव धेनवः । ईशान- [ ] 45

#### **2.4.14.2 - Padam**

जितम् । ते । दक्षिणतः । वृषभः । एधि । हव्यः ।

इन्द्रः । जयाति । न । परेति । जयातै । अधिराज इत्यधि – राजः ।

राजस्विति राज – सु । राजयाति । विश्वाः । हि । भूयाः । पृतनाः ।

अभिष्टीः । उपसद्य इत्युप – सद्यः । नमस्यः । यथा । असत् ।

अस्य । इत् । एव । प्रेति । रिरिचे । महित्वमिति महि – त्वम् ।

दिवः । पृथिव्याः । परीति । अन्तरिक्षात् । स्वराडिति स्व – राट् ।

इन्द्रः । दमे । एति । विश्वगूर्त इति विश्व-गूर्तः । स्वरिः । अमत्रः ।

ववक्षे । रणाय । अभीति । त्वा । शूर । नोनुमः । अदुग्धाः । इव ।

धेनवः । ईशानम् । 45 (50)

#### **2.4.14.3**

–मस्य जगतः सुवर्दृशमीशानमिन्द्र तस्थुषः ।

त्वामिद्धि हवामहे साता वाजस्य कारवः ।

त्वां वृ॒त्रेष्विन्द्र॑ स॒त्पतिं॑ न॒रस्त्वां॑ का॒ष्ठास्वर्व॑तः ।

यद्द्या॑व॒इन्द्र॑ते॒शत॑ꣳ श॒तं भू॑मीरु॒त स्युः॑ ।

न त्वा॑ वज्रि॒न्त्सह॑स्रꣳ सू॒र्या अनु॑ न जा॒तम॑ष्ट॒ रोद॑सी ।

पि॒बा सो॑ममिन्द्र॑ म॒न्दतु॑ त्वा॒ यन्ते॑ सु॒षाव॑ ह॒र्यश्चा॑द्रिः । 46

**2.4.14.3 - Padam**

अ॒स्य । ज॒गतः॑ । सु॒वर्द॑शमि॒ति सु॒वः – दृ॑शम् । ई॒शा॒नम् । इन्द्र॑ ।

त॒स्थुषः॑ । त्वा॒म् । इ॒त् । हि॑ । ह॒वा॒महे॑ । सा॒ता । वा॒ज॒स्य॑ । का॒र॒वः ।

त्वा॒म् । वृ॒त्रेषु॑ । इन्द्र॑ । स॒त्पति॑मि॒ति स॒त् – प॒तिम् । न॒रः । त्वा॒म् ।

का॒ष्ठा॒सु । अ॒र्व॒तः । य॒त् । द्या॑वः । इन्द्र॑ । ते॒ । श॒तम् । श॒तम् ।

भू॒मीः । उ॒त । स्युः॑ । न । त्वा॒ । वज्रि॒न् । स॒ह॒स्रम् । सू॒र्याः ।

अ॒न्वि॒ति॑ । न । जा॒तम् । अ॒ष्ट । रो॒द॒सी इति॑ । पि॒ब । सो॑मम् । इन्द्र॑ ।

म॒न्दतु॑ । त्वा॒ । य॒म् । ते॒ । सु॒षाव॑ । ह॒र्यश्चेति॑ ह॒रि – अ॒श्व ।

अ॒द्रिः । 46 (50)

**2.4.14.4**

सो॒तुर्बा॒हु॒भ्या॑ꣳ सु॒यतो॑ ना॒र्वा । रे॒वती॑र्नः स॒ध॒माद॑ इ॒न्द्रे सन्तु॑  
तु॒वि॒वा॒जाः । क्षु॒मन्तो॑ या॒भिर्म॑दे॒म ।  
उद॑ग्ने शु॒चय॑स्तव वि ज्योति॑षो दु॒त्यं जा॒तवे॑दसꣳ  
स॒प्त त्वा॑ ह॒रितो॑ रथे वह॑न्ति दे॒व सूर्य॑ । शोचि॑ष्केशं वि॒चक्ष॑ण ।  
चि॒त्रं दे॒वाना॑मुद॒गाद॑नी॒कं चक्षु॑र्मि॒त्रस्य॑ वरु॒णस्या॑ग्नेः । आ॒ऽप्रा  
द्या॒वापृ॑थि॒वी अ॒न्तरि॑क्षꣳ सूर्य॑ आ॒त्मा जग॑तस्त॒स्थुष॑ – [ ] 47

**2.4.14.4 - Padam**

सो॒तुः । बा॒हु॒भ्यामि॑ति बा॒हु – भ्या॑म् । सु॒यत॑ इति सु – यतः । न ।  
अ॒र्वा । रे॒वतीः । नः । स॒ध॒माद॑ इति सध – मादः । इ॒न्द्रे ।  
सन्तु॑ । तु॒वि॒वा॒जा इति॑ तु॒वि – वा॒जाः । क्षु॒मन्तः । या॒भिः ।  
म॑दे॒म । उ॒दि॒ति । अ॒ग्ने । शु॒चयः॑ । तव॑ । वी॒ति । ज्योति॑षा । उ॒दि॒ति ।  
उ । त्यम् । जा॒तवे॑दसमि॑ति जा॒त – वे॑दसम् । स॒प्त । त्वा॑ । ह॒रितः॑ ।  
रथे॑ । वह॑न्ति । दे॒व । सूर्य॑ । शोचि॑ष्केशमि॑ति शोचिः – केशम् ।  
वि॒चक्ष॑णेति॑ वि – चक्ष॑ण । चि॒त्रम् । दे॒वाना॑म् । उ॒दि॒ति । अ॒गात् ।



अनी॑कम् । चक्षुः॑ । मि॒त्रस्य॑ । वरु॑णस्य । अग्नेः॑ । ए॒ति । अ॒प्राः ।  
 द्या॒वापृ॑थि॒वी इति॑ द्या॒वा – पृ॒थि॒वी । अ॒न्तरि॑क्षम् । सूर्यः॑ । आ॒त्मा ।  
 जग॑तः । त॒स्थुषः॑ । 47 (50)

#### 2.4.14.5

श्च । विश्वे॑ दे॒वा ऋ॒तावृ॑ध ऋ॒तुभि॑र्हव॒नश्रु॑तः । जु॒षन्तां॑ यु॒ज्यं प॑यः ।  
 विश्वे॑ दे॒वाः शृ॑णु॒तेम॑ ह॒वं मे॒ ये अ॒न्तरि॑क्षे य उप॒ द्यवि॑ष्ठ ।  
 ये अ॒ग्निजि॑ह्वा उ॒त वा॒ यज॑त्रा आ॒सद्या॑स्मिन् ब॒र्हिषि॑ मा॒दय॑ध्वं । 48

#### 2.4.14.5 - Padam

च । विश्वे॑ । दे॒वाः । ऋ॒तावृ॑ध इत्यृ॒त – वृ॑धः । ऋ॒तुभि॑रित्यृ॒तु-भिः ।  
 ह॒वन॑श्रु॒त इति॑ ह॒वन – श्रु॑तः । जु॒षन्ता॑म् । यु॒ज्यम् । प॑यः । विश्वे॑ ।  
 दे॒वाः । शृ॑णु॒त । इ॒मम् । ह॒वम् । मे॒ । ये॒ । अ॒न्तरि॑क्षे । ये॒ । उपे॑ति ।  
 द्यवि॑ । स्थ । ये॒ । अ॒ग्निजि॑ह्वा इत्यग्नि – जि॒ह्वाः । उ॒त । वा॒ ।  
 यज॑त्राः । आ॒सद्ये॑त्या – सद्य॑ । अ॒स्मिन् । ब॒र्हिषि॑ ।  
 मा॒दय॑ध्वम् । 48 (30)

(त – दी॒शान॑ – म॒द्रि – स्त॒स्थुष॑ – स्त्रि॒श॒च्च) (A14)

पद पाठे (वाक्य सहित) – द्वितीयकाण्डे – चतुर्थः प्रश्नः

---

**Prasna Korvai with starting Padams of 1 to 14 Anuvaakams :-**

(दे॒वा म॒नु॒ष्या॑ – दे॒वसु॒रा अ॒ब्रुव॑न् – दे॒वासु॒रास्तेषां॑ गाय॒त्रि –  
प्र॒जाप॑तिस्ता यत्राऽ – ग्ने गो॒भिः – चि॒त्रया॑ – मा॒रुतं॑ – दे॒वा वस॑व्या  
अग्ने॑ – मा॒रुत॑मिति – दे॒वा वस॑व्या दे॒वाः शर्म॑ण्याः – सर्वा॑णि –  
त्वष्टा॑ ह॒तपु॑त्रो – दे॒वा वै रा॑ज॒न्यान् – नवो॑नव – श्व॒तुर्द॑श )

**Korvai with starting Padams of 1, 11, 21 Series of Panchaatis :-**

(दे॒वा म॒नु॒ष्याः॑ – प्र॒जां प॒शुन् – दे॒वा वस॑व्याः – परि॒दध्य॑दिद–  
मस्म्य॑ – ष्टा च॒त्वारि॑ंशत् )

**First and Last Padam of Fourth Prasnam of Kandam 2:-**

(दे॒वा म॒नु॒ष्या॑ – मा॒दय॑ध्वं)

॥ हरिः॑ ओं ॥

॥ कृष्ण यजुर्वेदीय तैत्तिरीय संहितायां पद पाठे द्वितीयकाण्डे चतुर्थः प्रश्नः समाप्तः ॥

---

पद पाठे (वाक्य सहित) – द्वितीयकाण्डे – चतुर्थः प्रश्नः

**Details of Panchati and Padam for Kandam 2 – Prasanam 4 – TS 2.4**

	Panchati	Padams
Anuvakam 1	4	204
Anuvakam 2	4	199
Anuvakam 3	3	145
Anuvakam 4	3	153
Anuvakam 5	2	88
Anuvakam 6	2	112
Anuvakam 7	2	92
Anuvakam 8	2	120
Anuvakam 9	4	179
Anuvakam 10	3	171
Anuvakam 11	6	280
Anuvakam 12	7	371
Anuvakam 13	1	62
Anuvakam 14	5	230
Total →	48	2406

**Notes:**

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site [www.vedavms.in](http://www.vedavms.in).